



岳州府志卷之二十四

岳州府知府李遇時鑒定



郡人 楊柱朝纂修

列女

巴陵縣

漢胡寧妻趙氏東陵人寧早逝誨幼孤以義方後寢疾子灝拜守濟陰適有滎陽寇于國典不得辭王命親醫藥趙氏力疾起以勵灝之官疾亦旋愈

宋韓氏女巴陵人名希孟魏公琦五世孫嫁為襄陽

賈尚書子瓊婦蒙古太弟忽必烈圍岳鄂希孟年十八在俘中誓不辱于兵裂練裳書詩以見志乘間赴水死越三日屍浮出出得其詩于衣帶上士大夫多稱道之希孟死三十年尚能託趙松雪爲書其詩明成化間知府李鏡請於朝得專祀嘉靖知府蕭晚始立祠其詩詞旨淹博可四百言按五倫書所載希孟詩不同云我質本瑚璉宗廟供蘋蘩一朝嬰禍亂失身戎馬間寧當血刃死不作衽席完漢上有王猛江南無謝安長號赴洪流激烈摧心肝

徐君寶妻逸其姓巴陵人同韓氏女被執杭州居韓蘄王府自岳至杭數千里主者數欲犯之終以巧計脫以有令姿主者弗忍殺一日主者怒甚將強焉因告曰俟告祭謝先夫然後爲君婦未晚也笑用怒主者喜諾卽嚴粧焚香再拜默祝南向飲泣題滿庭芳詞一闕于壁上已投大池中死詞曰漢上繁華江南人物尚遺宣政風流綠窗朱戶十里爛銀鈎一日兵刀齊舉旌旗擁百萬貔貅長驅入歌樓舞榭風捲落花愁清平三百載典章文物掃地俱休幸此身未北

猶容南州破鏡徐郎何在空惆悵相見無由從今後  
斷魂千里夜夜岳陽樓

明

朱宣妻陳氏巴陵人宣衛指揮使死于陣陳年二十  
二守節四十餘年弘治中旌

李信妻徐氏巴陵人年十七適信生一子英甫三歲  
信調征靖州歿于戍所徐年二十四清苦自勵孝養  
其姑姑卒塋祭不違禮弘治初詔旌其門

明黎受三妻藍氏巴陵人無子依弟榮寡居五十年  
七十四卒洪武初旌

方志通妻易氏巴陵人年二十守節子僅一歲力貧  
養姑姑病篤願天請代遂瘞奉養益慎姑卒殯塋成  
禮教子就學成化初旌

陳學明妻張氏巴陵人年二十而寡且無子或以無  
依勸別嫁張誓曰餓死吾甘心以兄子爲後撫育歷  
五十載成化初旌

謝紀妻李氏巴陵人性顓朴言笑不苟年二十四夫  
死妾遺腹生子梅李撫爲己子弘治間旌

柳大濬妻楊氏巴陵人年二十六守節舅姑強其改

巴陵 卷五

適誓死赴水而止子三歲教之成明經

王昇妻周氏岳州衛人年十八生一女昇没于敵周

氏以節終弘治初旌

方成德妻陳氏巴陵人年二十三守節無子母欲奪

而嫁之陳誓死七日不食織紡自給季五十卒

文希道妻蕭氏巴陵人年十二守節嘉靖中知府陸

瑯給粟帛獎之

唐應治妻顏氏巴陵人丈夫應治縣庠生早卒年

二十九七日不食口鼻流血年以終節三歲值翁姑叔

嬭接喪顏拮据壘裡儉勤貞潔訓子讀書當路歷獎

節考萬曆三十九季旌于世桂甲午鄉舉官戶部

員外郎

唐一俊妻胡氏知州胡大壯女俊早逝胡年十九剪髮

自誓撫弟一傑次子永成成立院司旌扁節孝惟風

方可璉妻沈氏少寡子隆年九歲舅姑欲奪其志沈

刺面守節是請建坊備門節孝後隆登鄉試

清姜振德妻劉氏閩賊陷城夫姑被戮劉自縊

許生員妻康氏事姑孝夫婦俱為兵執恐夫不免謂

賊曰釋吾夫願從汝賊如其言康溺水死後司李戴吉人獎云許生之妻全夫而亡冰霜義烈千古無雙扁旌其門

臨湘縣

明梅紀妻方氏年二十三而寡杜門自守矢志不渝成化中旌

余勝先妻黃氏年二十二而寡撫孤守節始終如一有豈菟歌成化中旌

沈玘妻劉氏年二十一守節撫子植舉于鄉嘉靖年旌

楊葦妻易氏夫亡守節有司表其閭

○ **楊紹鳴**妻許氏鳴為諸生有聲蚤卒其妾鄧氏生子一位甫兩月氏觸棺潛縊矢以身殉數次皆賴

從後別

縊之人

伊母救免亦獎不入口者旬日何歲復梳素瘵饑績絀支貧奉八旬舅姑膳養不衰後先殯至成禮課子一位成立有才各天啓三年御史舒榮都疏請建坊

旌表一位任湘學博孫桂朝成化末進士

諸生楊一竑妻李氏茂年守節教子成立崇禎十六年督學高世泰表揚

岳州府志 卷之二十四 五 楊一鵬 陳氏 鵬宦遊京師 鄉陳為妻 早寡 撫子 被

賊掠 陳其心苦 勤五十餘年 壽九十 乃卒 嗚呼 法死 氏 所生

張廷爵女 張十姐 許聘生員 何惟寅 後寅得痼疾 父

欲改適 女以死誓 知縣張明儒 給粟帛 獎之 度江走 隨夫 擄于 避

楊賓朝妻 丁氏 崇禎癸未 獻賊 猖獗 隨夫 擄于 避

亂山中 每語夫曰 若被賊 執誓不受辱 惟有死 後

果賊執不屈死之

皇清鄭迪啓妻 楊氏 迪啓早亡 楊守節 延師教子 方

叔成立 司訓 臨武 楊年八十餘

### 平江縣

宋吳樵妻 李氏 季甫四十 侍母家 有火 變兒 嫂遠散

李氏獨守 母舍 良久 烟止 闔宅皆焚 二室巋然 獨存

後以樵貴 封安人

明吳伏顯妻 凌氏 永樂中 以節旌

陳旭妻 余氏 平江人 夫亡 持節 事翁姑 以孝稱 弘治

事聞 旌之

李爵妻 黃氏 年二十 生子甫 三月 夫亡 守節 教子 養

姑 嘉靖 知縣 任寅 欲疏 其事 辭焉 楚志 作余 存爵 平

平江縣 後五人

江人

伍玉瓚妻戴氏年二十二守節撫遺腹子大鵬躬紡

績事舅姑嘉靖十六年都御史顧逢

後

王萬爵妻陳氏二十餘守節無子孀居四十餘年嘉

靖二年旌

秦允鏗妻傅氏笄未暮年夫亡撫遺腹子事舅姑以

孝終

張天經妻吳氏年二十三守節葬夫為二壙以自

待姑強其適人泣誓乃止

吳宗唐妻蕭氏歸未暮年夫亡無嗣年二十一暮色

求配者無虛日蕭以死拒之至老無玷

敬美去

華容縣

五代林氏華容人居縣北市母疾藥之弗愈禱于天

剖股肉為粥以啖母病遂瘥同時有楊女者效之知

縣劉嘉其事上之詔旌焉有三孝坊

明耳氏女名元秀父邦佐以元秀許嫁里人魏文昌

...



洪武間文昌父獲罪應誅文昌詣闕上疏願以身代  
遂伏法元秀時年十五邦佐聞文昌繫獄卽欲改嫁  
元秀赴井求死以救獲免遂齋戒自責以祈文昌之  
生不爲容飾比文昌伏法四日訃至元秀沐浴具衣  
服自縊以殉士類高其行上之有司卒未及旌  
毛瑤妻黎氏瑤讀書能文黎嫁甫二年而寡時年二  
十守節自勵養姑教子成化中旌  
劉如魯妻毛氏如魯忠宣公孫毛年二十六子諸生  
世亨纔歲餘守節垂五十載綜理家事咸有規法嘉

靖間御史陳豪獎、

陳鈞妻劉氏二十七守節辟纏養姑孀居五十餘年  
陳燦妻李氏年十九守節無子家貧奉姑姑亦早寡  
孀姑相守至乏衣食不懈其操垂三十載知縣李瑞  
芳贈以詩學使者吳文華贊有姑兮貞婦兮烈清燈  
吊影淚成血

陳開妻石氏年二十二守節撫三歲子伶仃孤苦水  
霜自勵年六十餘終

羅氏嚴循閑才妻年十八歸循閑貌寢而勤暮年生

華  
品  
人

一、女無何為循，閑所棄不入其室者十餘年。羅獨與  
身其謀，歲久久之循，閑病且死，侍床側，私自泣，抱其  
女，婦曰：脫有不諱，當以身殉，願姑視此女如未  
生，以為孫也。比循閑死，羅泣盡，哀是夜漏盡，縊于循  
閑棺側，而封。里中人為歌，穀則異室，死則同穴  
之章以誄之。

李氏，鄧于旬之妻，年二十，于旬卒，李依槐而死。  
劉氏，張希美、張希善之母，以孀節稱。天啓甲子，提學  
徐人龍旌表之。

毛氏，太學生張存愈之妻，孀居教子，張希奎成進士。  
母慈子孝，兩旌其孝。崇禎末，題請建坊旌。  
澧州

元賈氏，善屬文，年二十歸于謝，九年而寡，紡績自給。  
教子拱辰，明經，逮老，閨門肅然，朝廷旌焉。  
明王谷樹妻程氏，谷樹病，封臂為粥，以啖比危，以家  
貧，子幼，囑其改適，程剪髮誓，示無他志，終身不渝。知  
州雷穀以聞，旌焉。

左志廣妻謝氏，年二十守節，撫遺腹子，歲荒採菱實。

澧州  
後五  
人

野蕨自給紡績養舅姑年八十卒弘治中旌

任璋妻高氏年二十六守節無子父母為養有自志歿輒欲

自刎都御史林大輅提學蔡潮咸題其門

任越妻周氏年二十四守節撫二歲子都御史林大

輅獎之

戴昂妻廖氏昂溺死廖撫四歲子姑諷之嫁因截其

髮都御史題其門

梁樞妻王氏姑病刲股以供進因瘡甚死御史陳豪題

其門曰孝婦

楊氏王友瓊妻生子建高瓊死年甫十七猶節相

終生茹荼鍼紉以誌教詩八十卒尚書李友嗣挽

以詩延接御史朱瑞登樓碑銘嘉靖戊午採訪貞節

都御史汪大受疏請賜祠祀

楊氏高尚節妻年十九夫沒尚節述生遺腹子薦泣

曰夫有嗣矣撫育就塾訓誡年十一補弟子員

本州旌表王次壽九十餘卒

李氏尚書如圭孫女監生魯自誼妻年十九失偶矢

志守貞州守聶惟挺舉與烈烈女祠

龔氏孀末戍生李昌叔妻<sup>法</sup>南賊一隻虎入澧被<sup>掠</sup>罵賊不屈遂及于難

趙氏孀居守節崇禎癸未老圃回馬守印寇澧居民毛二龔之愉與趙寡婦各起義兵數百與賊將連戰相為犄角<sup>北</sup>排數月<sup>後</sup>敗各罵賊不屈死

清何氏二妻康熙十三年逆踞澧牧馬沿村所在騷然有居民何姓者兄弟各有室奉母至孝一日賊伺見其婦卽移槽其家動輒鞭笞備極凌虐已復叱小卒押兄弟赴遠貿易二婦泣相謂曰今爲我兩人苦

及夫我等寧死必不甘心賊子遂與媪定計次日媪託事外出賊四顧無人甚喜遽盛服入臥室爲繫繩所仆二婦乘其不意奮擊縛之媪急自戶後持筆入搏賊幾死乃大呼隣里遣去後亦不敢加害

慈利縣

元于氏早寡養姑無子始卒不移大德間事聞表其門曰節孝

明鄧守忠妻伍氏年十九守節無子奉舅姑終其身

劉瑄妻<sup>韓氏</sup>名惠真年二十守節撫襁褓七十餘

慈利縣

續

田

卒

劉秉仁妻丁氏甫嫁十月即失夫年十七撫遺腹

女嘉靖知縣劉長春奉當道檄獎年九十四終

孟氏二女長曰真年十八適史錠次日勝年十六適

王聚俱早卒相與節終其身時目為雙節

安鄉縣

明季惟真妻趙氏年二十守節撫三月子教之士太

夫題其堂曰碩節

有氏周憲章妻汪夏人至正間從父官公安適憲章

後章以疾終有年三十二誓不二志織紉撫孤四十

餘年饑寒不易七十二終

王氏雷溥妻年二十五歲通溥為繼室甫三年溥卒

前室李有子年五歲王與繼姑姚撫之終身如一日

萬曆庚辰邑侯但調元以其事上直指舒公賜扁貞

節 夫歿氏年

羅氏適謙三台謙以二十四歲而夫羅二十三歲有

十子僅數月米霜日持一日有盜夜至門羅曰我孀

婦汝何忍害盜相率遁去兵亂子子若孫相繼以亡

其人



齊州府志 列女 卷之二十四 三

周蒙妻雷氏蒙亡時雷年二十有七遺子天佐尚在襁褓撫成至長妻婦王氏王年二十四生子一甫九月而佐夭雷復以撫之祖孫相倚者二十年孫之弱冠列諸生

羅氏張樹芳妻年十七歸張至二子而樹芳亡羅氏哭盡哀請以身殉二稚尚在襁褓中舅姑謂羅曰如遺孤何羅從舅如命乃止矢志撫孤歷艱辛四十餘年不易長子列鬻序邑侯王賜扁旌之

永定衛

胡氏指揮彭禮妻年二十餘守節家貧茹苦撫訓子倫成立建勲得贈大夫人賜祭葬仍旌其用  
彭氏傅之才孫通千戶寧祥亦二十餘守節  
趙氏童子茂妻  
錢氏李廷美妻

秦氏呂璿妻

丁氏劉承慶妻

羅氏黃繡妻衛庠生蚤歿氏年十八守節撫孤御史行部表其門

吉氏汪伯璋妻

王氏李廷秀妻

琴氏指揮宋世將妻世將未襲而歿氏年二十餘操

永之制  
の人

比冰霜家成敗富撫教孤子昌仇奉襲祖職年近五十遭亂忍夜其辱自縊全節

節婦王氏夫故貞靜自守窮年不字奉上旌獎有貞節坊今廢

論曰立孤難死節易此為存趙氏孤兒而言也慷慨殺身易從容就義難此為處常處變而言也之數者在鬚眉丈夫猶難之宋韓氏齊婦同時以節烈著維時士大夫多死難之臣蓋忠義之氣入於人心其時女子亦漸摩於道德仁義之習集中所載或立孤或死節或慷慨或從容咸能以剛大不撓之志塞宇宙而貫金石於以作忠教孝何難焉

岳州府志卷之

岳州府知府李遇時鑒定

肥人 楊柱朝纂修

僑寓

巴陵縣

唐趙冬曦字補闕定州人擢進士第開元初遷御史

坐事流岳州與刺史張說登樓相唱和

韓注諫議大夫貞元間以言事忤旨貶岳州適意遊

江山棄人間事杜甫寄韓諫議詩濯足洞庭望八



荒郎注也

宋陳與義洛人建炎後辟地岳陽工詩賦

康叔臨謝良佐高第避世巴陵

明李鍾鼎字懷之閩縣人父時興仕明爲袁州刺史城破時興死之鍾鼎以卹典蔭中書舍人明亡鍾鼎賣卜負父骨歸葬挈家人武彞山號雲窩居士來遊洞庭登君山彈琴賦詩一載餘所著有浪迹放言尙友錄善小楷及白描大士人爭寶之

臨湘縣

唐翰林供奉李白字太白與邑侍御李太白友人相與友

善至鴨欄驛訪裴侍御登白馬磯遊石頭口觀暉落磯鏡石唱和有詩

宋張實萬後周世宗秋官給事中張實英弟世居南隄龍洲其父徃役武昌携實萬道經岳陽家於臨湘之碧峯潭子尙祖登進士遷河南府尹尙陽尙英宗昇平公主拜駙馬都尉實萬封紫金魚袋大夫卒賜祭葬

方替其先睦州人以避吳越王錢俶之亂家臨湘其

岳州府志 卷之二十五  
裔孫廷堅桂英咸登進士至今子孫未艾焉

石光字邦王徂徠石介長子通判監岳州有惠政後  
辭官寓居大雲山子孫遂家焉卒塋山麓民爲立  
祠

李冲虛其先自廣陵徙居丹徒善屬文咸平中以累  
舉推恩主桃源簿權岳州平江令流寓臨湘曾孫  
黻號默堂居士

劉渭真州六合人早孤隨其祖部郎維則宦遊南北  
工詞賦維則卒不能歸遂家臨湘力學好書里

咸稱之

明洪晉輕其先沅西安仁洪适之裔由舉人材爲南  
京工部主事成化十九年以監造不如法同時獲  
罪者九十人俱謫戍城陵磯迺運所水夫限蒲回  
籍僉事陳以私忿論其忤旨復謫原役禁不許還  
子孫遂家焉隸籍臨湘孫一夔一貫俱登鄉薦  
阮居仁交趾東潮縣人洪熨間知臨湘縣遷河南府  
通判以老乞歸宣德時棄交趾地凡交趾人仕中  
國者咸禁不許還遂家臨湘賜土田居仁稼穡以

終爲湘人所重

楊顯南直無爲州人襲 輝揚州衛千戶正統中調

岳州衛屯臨湘征廣西有功陞指揮同知

方恕沅西德興人隨父琳調岳州衛鎮撫籍臨湘之

桃林博學能文子昇中進士贈監察御史

平江縣

唐杜宗武甫次子甫流落劍南大曆中下沅陵沂沅

湘登衡山復還潭欲謀北歸卒於潭岳之間旅殯

岳陽長子宗文卒耒陽次子宗武貧病不克葬沒

命其子嗣宗啓甫樞歸事僂師其家平江者未知

何據也邑非所經之途但至德二載授甫左拾遺

詔宋紹興三十二年授甫裔孫邦傑承節郎勅二

文見存縣志

徐楚玉字安真開元六年登第官至檢校工部尚書

祿山反楚王辟亂南遊豫章黃龍寺超慧禪師指

之居平江於是適平江下台建回台寺居焉同時

劉希烈劉兼光白琪陸善經李安甫俱建寺隱者

五公事見外傳

五代後唐吳澄字元清婺源人長興四年以布衣召對稱旨明宗嘉納特授光州節度判官致仕時荆襄州縣缺官當路多辟代之所至為民除害已隱居岳州穆家塘喜連雲山川之勝慕遊岩先生之故基遂卜居於平江之田岩

五代唐吳璋先世居岢嵐州僖宗朝為吏部尚書屢詆朱溫棄官隱平江鳳樓鄉

凌脩丹陽人永平江遂家清水鄉華容縣

**宋**劉寶東平人以都統制從岳飛破楊么遂家華容孝宗初為淮東招撫使金僕散忠義紇石烈士寧侵楚州寶遂棄城走隱東山九世孫仁宅十世大夏為名臣

**明**居忠河南固始人永樂初以鄉貢知華容其子贅華容張氏因畱弗歸

陳克讓字存仁實之裔孫也祖安泰為元荊州路總管遂家沔陽洪武初遷華容卜居太陽山孫萬里舉進士改姓程氏

白整見宦蹟孫忠舉進士曾孫汝翼佐孫仁仁子起  
旦咸舉鄉試起旦子竹成進士有傳

劉山人名大振字孟肩襄陽人蒼顏修幹狀甚偉足  
跡殆遍天下遇人不款曲直視微笑無一語語或  
可錄工五言近體亦不常作初以布衣遊時束髮  
服道人服或髡頂爲僧屢至華容年六十餘善病  
遂老河東梅菴不他適一日自贊曰不婚不宦逃  
釋逃懸一杖雙履名山大川病身旅次笑獨凶年  
嗚呼老矣是誰之愆相知者嘗勸治後事山人應

之曰此自若輩事無預吾事崇禎癸未寇猝至華  
士大夫皆遠竄山人病死梅菴無知者菴僧裸葬  
於菴後

黃登道字元之九江人流寓華容賣卜讀書自號東  
臯子詩有佳句康熙二年葬天井山黎慶永題碑  
爲江州高士之墓

澧州

唐韋應物京北人有寓居澧上寄于張二舍人詩  
宋趙彥若以宗室爲學士紹聖初章惇當國惡元祐

古州府志 卷之二十一 五 六  
黨人以彥若曾修神宗實錄謫居澧遂家焉

陳祐字純益仙井人舉進士元祐末以右正言論章惇蔡京蔡卞郝隨鄧洵武忤旨編管澧州

元曩加台蒙古人一名秉彜寓居澧州受學於瞿炳舉湖廣鄉試第一成進士官至河南行省叅政

李德誠四川羅江人慈利州判官元年兵亂僑居於澧

明李充嗣字士修四川內江人父古安爲華陽王府教授遂家澧州充嗣舉成化丁未進士仕至太子

少保工部尙書巡撫關中剔歷四十餘年所至以風裁自持然內剛外柔故終始不及於禍嘉靖戊子賜告歸足跡弗入城市結廬親墓往來山水之間所著有梧山集奏議水利二稿靖危集藏於家劉瑞字五清原籍四川內江登正德時進士官翰林學士宸濠變起同新建伯協勦有功後因抗奏劉瑾以忠受斥寓澧土瑾事漏起禮部尙書尋卒喪於澧謚文肅後世宗覽禁垣奏議嘉訪陳封特建忠清祠配享范文正公廕子孫永奉祠祀本州知

岳州府志 卷之二十一  
州周仲璉讀文肅遺志慨息曰劉公仕績頗多膾  
口惟不媚逆瑾協剿宸濠元老褒嘉以忠清配文  
正宜足表揚不朽矣

劉武臣內江人弘治中進士官太守僑居澧有文學  
性嗜酒都御史吳廷舉聘纂楚志

封傑陝西綏德人監生岳州通判資貌敦朴不類此  
產後家於澧卒年八十餘復姓郭氏孫壽舉鄉試  
楊欽四川瀘州人成化中以鄉貢爲澧訓導遷雲南  
景南府教授不之任遂家澧

### 安鄉縣

宋范仲淹蘓州人幼孤從其母歸朱軫軫宰安鄉淹  
隨之稍長築室鶴江北讀書焉今日書臺楊升庵  
辨大范小范載富鄭公作范文正公墓志云仲淹  
父名墉爲錢俶掌書記仲淹二歲而孤隨母陳氏  
再適朱氏則大范名雍字伯淳爲龍圖待制振武  
軍節度使鎮延安軍謚忠獻豈仲淹之父乎

元劉九誠山東人任湖廣叅知政事兵亂家居安鄉  
軍牧村

劉安叔廬陵人至正間爲澧州路總管秩滿籍居安鄉永豐村

明周文憲四川巴縣人洪武初寓居安鄉後舉明經授武昌訓導有詩若干卷

慈利縣

宋王丙發字次宇廣東人博學強記咸淳戊辰進士時賈似道專政丙發對策抗直和淵明騷去來辭以見志累徵不就徙居慈利終隱焉子元明讀書尚義爲澧州教授有譽績

論曰浣花以子美而著夜郎以謫仙而傳地以人重也岳隄名勝秀甲寰區遊其地者咸得五山之助宦於斯客於斯聚國族於斯皆隄之表表者故特著之以爲五山助



崇善之以爲西山觀

順寧侯洪容侯洪慶國荊侯洪省驛之表表音姑  
重也岳驛各類委甲寔國藝其此音淑野五山之  
論曰崇善以千美而著於酒以臨山而壽也其人

岳州府志卷之二十六

岳州府知府李遇時鑒定

隄人 楊柱朝纂修

仙釋

軒轅遊蜀見水多決之下流江湖皆溢乃鑿五湖貯  
水今洞庭一也

北門城間於黃帝曰帝張咸池之樂於洞庭之野吾  
始聞之懼復聞之息卒聞之惑出莊子

穆王三十七年征伐大起九師東至於九江叱龜鼉

以爲梁

漢葛佺稚川從祖也吳門居石門北二十里石室修煉尋以丹術授弟子鄭隱雉川就隱學之悉得其法至今山名葛仙

梁任約伐湘東王於江陵王遣胡僧祐願千餘人陸法和時在江陵同行登艦大笑曰無量兵馬江陵多神祠人常祈禱自法和軍出無復一驗人皆以爲神從行故也至赤沙湖與任約相對法和乘輕舟不介胄順流而下去約軍一里遠謂將士攻之

縱火舫於前風逆不便法和執白羽扇以麾風風勢卽反約衆皆見梁軍步於水上大潰投水約逃竄不知所之法 and 曰明日午時當得及期人問之法 and 曰吾前於此洲水乾建一刹語檀越等此雖爲利實是賊標今何不自標下求賊也如其言見約在水中抱刹仰頭繼出鼻遂擒之出北史法和後入齊爲太尉無疾禮佛坐繩床終歿入棺尋開視不見

晉陶澹太尉侃之曾孫少孤好仙術餌靈艸辟穀研

筮卜結廬於長沙臨湘山中親故往候者輒移度  
澗水莫待近州舉秀才澹聞遂徙羅縣埤山有一  
白虎二白鶴常侍左右太康二年舉家仙去

君山有美酒飲者不處漢武帝遣樂巴求得之未進  
御東方朔竊取帝怒欲殺之對曰使酒有驗殺臣  
亦不死無驗安用酒爲帝笑而釋之出湘川記

岳州有漁父於湘洞庭之岸聞鬼啼聲四顧無人維  
三歲女子在岸側漁父憐而舉之十餘歲天姿奇  
偉容貌姝瑩殆天人也忽有青童自空而下集其

家携女去臨昇謂其父曰我仙女杜蘭香也有過  
謫於人間會期有限今去矣其後降於包山張碩  
家碩蓋修道者也授以舉形飛仙之術碩仙去漁  
父亦學道不食後不知所之出庸城仙錄

安鄉有石龜舖王范二仙不知何時人相傳煉丹於  
此王令石船上山石龜下水前代邑人以此十歲  
之豐歉首刲羊以祭而灼其石龜微潤則豐焦惡  
則歉歲率爲常今石龜墮水石船僅存其中可容  
二人而舖遂以名

岳州府志  
石柱岡在安鄉永寧村相傳有仙人一夜立石坊於其地二柱將豎鷄鳴未成而去至今二柱鑿痕宛然

樊夫人者上虞令劉綱妻也綱素有道術爲治尚清靜簡易而政令宣行民受其惠無水旱疾毒之傷樊亦潛修密證遂皆白日仙去唐貞元中湘潭有一媪鬢翠於雲肥潔如雪策杖曳履日可數百里在湘十餘載常以丹篆救疾鄉人敬奉之一日告人曰吾欲往洞庭救百餘人性命爲我設船一

里人張琪具舟楫送之將至洞庭前一日有大風濤撼一巨舟湊于君山島上而碎百餘人星居於島無舟來救有一白鼉游沙上數十人殺而食之明日有城如雪圍島其城漸窄束其人爲族其間不廣三四丈島上人忙怖叫號勢甚急岳陽人亦遙覩雪城莫能曉也媪舟至岸遂登島攘劍步罡噴水飛劍刺之有聲如霹靂雪城遂崩乃一白鼉長千餘尺蜿蜒而斃劍立其胸遂救島上百餘人忽有道士來與媪遇甚相慰悅琪詰其故道士曰

劉綱真君之妻樊夫人也

開元中燉煌李鶴爲邵州刺史挈家之任泛洞庭時晴登岸因鼻血飀沙上爲江鼉所舐俄與鶴一其形體言語衣服不異鶴本形爲鼉所繫于水中其妻子家人隨鼉就任州人亦不能覺爲郡數季因天下大旱江西河沙道士葉靜能自浮山赴水朝過洞庭忽見沙上一人面縛問曰君何爲者鶴以狀對靜書一符帖巨石上石卽飛起空中鼉方擁案晨衙爲巨石所擊乃復本形時張說爲岳州刺史

具奏以舟楫送鶴赴郡今舟行相戒不瀝鼻於波中以此故也出獨異志

賈客呂筠卿常於仲春夜泊舟君山命酒吹笛數曲忽見一老父拏舟來於懷袖間出笛三管其一大如合拱其次如常人所蓄其一絕小如細筆管筠卿請吹之父老曰其大者諸天之樂不可發其次對洞庭諸仙合樂而吹其小者是老身與朋儕可樂者試爲子吹之不知可終一曲否言畢抽笛吹三聲湖上風動波濤混漾魚龜跳噴五聲六聲君

劉綱真君之妻樊夫人也

開元中燉煌李鵬爲邵州刺史挈家之任泛洞庭時晴登岸因鼻血衄沙上爲江龜所舐俄與鵬一其形體言語衣服不異鵬本形爲龜所繫于水中其妻子家人隨龜就任州人亦不能覺爲郡數季因天下大旱江西河沙道士葉靜能自浮山赴水朝過洞庭忽見沙上一人面縛問曰君何爲者鵬以狀對靜書一符帖巨石上石卽飛起空中龜方擁案晨衙爲巨石所擊乃復本形時張說爲岳州刺史

具奏以舟楫送鵬赴郡今舟行相戒不瀝鼻於波中以此故也出獨異志

賈客呂筠卿常於仲春夜泊舟君山命酒吹笛數曲忽見一老父拏舟來於懷袖間出笛三管其一大如合拱其次如常人所蓄其一絕小如細筆管筠卿請吹之父老曰其大者諸天之樂不可發其次對洞庭諸仙合樂而吹其小者是老身與朋儕可樂者試爲子吹之不知可終一曲否言畢抽笛吹三聲湖上風動波濤混漾魚龜跳噴五聲六聲君

山鳥獸叫噪月色昏昧舟人大恐老父遂止乃歌  
日湘中老人讀黃老手援紫藟坐碧艸春至不知  
湘水生日暮忘却巴陵道遂棹舟去隱隱漸沒於  
波間出博異志

周生者唐太和中廬于洞庭君山時以道術濟吳楚  
人多敬之後將抵洛途次廣陵舍佛寺有三四客  
來時方中秋霽月澄瑩且吟且望有說開元時佺  
宗遊月宮事因相與嘆曰我輩塵人固不得至其  
所矣柰何周生笑曰某常學於師亦得焉且能挈

月致之懷袂因命虛一堂翳四垣不使有纖隙且  
告客曰我將梯取月去聞呼可來觀乃閉戶久之  
忽見天地曠晦俄聞生呼曰某至矣客因開其室  
生日月在某衣中耳舉其衣出月寸許一室盡明  
寒入肌骨客拜謝曰願收其光因閉戶其外尚昏  
晦食頃方如初也

呂洞賓名巖河東人唐呂渭之後五代間從鍾離權  
得道多遊湘衡岳鄂間留題岳陽樓云朝游北海  
暮蒼梧袖有青蛇膽氣麤三醉岳陽人不識朗吟

飛過洞庭湖常憇岳陽城南古寺松陰有老人自  
松嶺徐下致恭呂與丹一粒贈之詩曰獨自行來  
獨自坐無限世人不識我惟有城南老樹精分明  
知道神仙過因題寺壁枯松復茂人以爲丹力云  
滕子京守巴陵日有華州回道士上謁風骨聳秀滕  
知其異人密令畫工圖其像口占詩以贈之云華  
州回道士來到岳陽城別我遊何處秋空一劍橫  
回聞之撫然大笑而別出東軒記王綸守岳州有  
回道士上謁貌清癯短褐不掩髀語音清圓綸問

世系回曰世系不必問所請教者奕棊耳與奕綸  
素號國手至是連負日暮乃以酌酒問何方人回  
書詩曰仙籍班班有姓名蓬萊仙客呂先生凡夫  
肉眼知多少不及城南老樹精綸訝之有問已失  
之矣庭下煙雲滃然移時不散又宋長沙鍾仲山  
嘉定己巳自金陵罷官歸舟次巴陵南津晡時俄  
觀一舟過焉舟中一黃襖翁凝然屹立熟視仲山  
良久仲山窺其蓬中無他物有二青童侍側俄失  
船所在仲山翌日往呂仙菴拜禮真像果衣黃有



兩青童侍側貌與昨所見者肖仲山自憾凡夫不識真仙感嘆無已周星作水調歌頭辭有更侶南津港忽遇呂公船之句次季下世仲山之孫常出其祖所繪黃襖真示余誠爲清俊絕俗云

華容令宅東北老子祠曰大皇觀祥符八年春二月既望雷震白虎西北楹上有倒書謝仙火字入木踰分字畫道勁慶曆六年滕子京令摹而刻之間零陵何氏女謂何仙姑者乃曰謝仙雷部火神也兄弟二人各長三尺形質如玉好以鐵筆書字字

與身等驗之果然東南楹亦有謝仙二字偪近柱礎其後摹刻岳陽樓上元豐二年岳陽樓火土木碑碣悉煨燼此二字無少損至今尚存出風土記華容寶慈觀晉張鷟喜飛身之所宋時有異人以木板書谷神二字點畫圓勁至今爲道士所藏字傍蟲齧皆遍而字墨跡宛然不失寶慶中真人白玉蟾亦嘗至此與道士孫雪窻同遊今有契仙集

巖佷佷者華容人宋末爲文昌宮道士與邑人王某從張三丰遊數載無所獲擬辭去三丰餞之以飲

醉臥嘔唾滿地二人不及辭明早入檄丰曰汝真  
棄吾邪餽吾唾道在是矣王某弗肯餽佗佗餽之  
遂悟三丰術能運掌心雷常以雷神隨後客至亦  
呼雷行茶其書存石首民家嘉靖四十二年岳州  
通判田鑄遵詔取數冊云

乾道中三月三日有道士衲衣髻髻竹笠屣行乞  
于市暮憩澧州佗妙觀或臥河洲上人莫識一日  
乘醉過州西南橋值喬守出犯前行喬怒而執之  
將逮以罪道人曰吾醉矣弗能辭喬命下獄詰旦

引問道人亦無言乃賦詩云暫別蓬萊海上遊偶  
逢太守問緣由家居北斗星杓下劍掛南天月角  
頭道我醉時真箇醉知他愁是怎生愁相逢何事  
不相識却駕白雲歸去休書已遂乘雲冉冉而去  
喬憮然始知其呂仙也

嘉靖庚子石門下八都陳文鏊妻荀氏偕母拾菜觀  
國山遇老嫗食以野草荀氏吞之自是不饑日惟  
飲水啖果遂於山頭結菴棲止不火食者殆三十  
年鄉人呼仙娘

岳州府志 卷之二十一 九  
張君不知何許人石門縣北桃花洞下桃花坪朱砂  
橋有壇焉相傳爲張君修煉飛昇之所壇多清泉

### 怪石

陽谷成安鄉人自言其得張仙人道景泰七年大旱  
遊長沙令其祈雨成約城內雪城外雨三日而後霽  
果如其言每出行必有雲隨之翳日又能精掌心  
運氣法時呼爲陽雷公云

臨湘有荆竹道人李姓萬曆初托跡丫髻寺後傭食  
於六洞菴最後依荆竹山泥池觀道士傭食焉聞

數年道人遍告里人醜金易龕爲瘞骨計衆咸戲  
之曰汝能活入龕乎道人不荅將卒令人扶携入  
龕衆累土爲墳閱三年後里人有勾取錢糧於平  
江者見道人白晝遊市上一見驚詫道人忽去不  
知所之湘民歸道其事衆不之信掘土開龕見道  
人面如童顏左右指長圍身周鼻涕流至足跟仍  
以龕覆揜瘞之至今跡猶存

### 釋

任自信嘉州人貞元十五年曾任湖南常持金剛經

岳州府志 卷之二十六  
潔白無點於洞庭湖中有異物如雲冒舟上俄頃而散舟中自信不知所在久之乃凌波而出云至龍宮謁龍王四五人升殿念經與珠寶數十事二僧相送出宮一僧曰憑附小信至衡嶽觀音臺紹真師付之云是汝和尚送來令傳金剛經至南嶽訪僧果見云和尚滅度幾五六年矣出報應記僧曾實號無相蜀夔人誕夕白光燭室泰定三年五月五日有異僧過門因話心包太虛聞之忽省如夙契季十一願出俗携錫遍歷禪席初見東叅幽

谷二老宿力習禪歎曰大丈夫不超出三界毀形何益由此節飲食脇不沾席七日忽豁然頓悟乃云如魚飲水冷煖自知洪武初南遊抵荆湘衆迎居圓通寺過武昌因赴國齋會請陞坐演法見天花飛墜仙鶴翔空長沙大旱迎實祈禱舟次龍祠祈風說偈遂感神助四百里程未竟日而至三日果大雨降一日示其徒曰辛未正月初二日吾當歸及期沐浴端坐說偈而逝一統志

佺宗時李林甫用事陳希烈徐安貞劉謙光白瑱等

相繼貶黜天寶十四年安祿山反安貞避亂離散  
因遇陳希烈等南遊豫章黃龍寺時超惠禪師指  
引居昌江遇台則止同遊者陸善經李安甫二人  
仍寓黃龍寺惟陳希烈徐安貞劉謙光白瑱四人  
俱往昌江各建一寺劉居上台建回台寺陳居就  
台建惠果寺白居果台建白水寺次年三月陸善  
經李安甫二人仍遊昌江訪舊後陸居芭蕉寺李  
安甫慮兄林甫坐累改姓孟居下鄉九峯寺修真  
自適世傳六相隱于平江以此故耳按上台長慶

寺卽今長慶村下台回台寺卽今板坑胡珮村台  
惠果寺卽今長壽九嶺村台址具存惟聚台未詳  
今惟九嶺廟塑陳侍郎白侍郎三人像歲時水旱  
疾疫祈禱輒應惟劉侍郎塚墓見在長慶寺耑祠  
致祭故老相傳足徵出平江縣志

巴陵縣南圓通寺僧房林下忽生一木旬日勢凌棟  
僧移房避之木長便遲但極晚秀有外國沙門見  
之名爲娑羅也僧所憇之蔭常著花細白雲元嘉  
十二年忽生花狀如芙蓉出荊州記

屈彌高安鄉湖南寺僧素不言未習外教語永樂四年忽一日向東北暎水衆僧問其故乃言曰京師有火災我以水滅之旬日後主上召我建國醮我合行矣至日沐浴整衣待召者果如其言及召至建醮則無經不能誦甚有符驗上曰慧僧也賜以寶論勅語西洋素珠千佛袈裟金鉢盂法華經銅壺滴漏銅印磁印等器還山後入定於本縣金鷄塚寶塏側以金鉢盂西洋素珠千佛袈裟隨視其勅語法華經存于寺爲兵燹燬銅壺爲常德府尹索去至今磁印尚存

○明定寬臨湘佛嶺人姓高生六歲而瞽父母棄之有異僧携之而去後十餘年歸湘雙目復明精通釋典天順三年於了髻山開螺髻寺徒衆繁衍圓寂之日適天大雨雪自作偈三章謂太陽照始回首紅日忽現果如其言遂端坐而逝邑人尚書楊公崑岑爲作傳

寶方臨湘縣人祝髮至源寺萬曆年間雲遊京師適值太后病日經年夜夢神披金甲持寶杵云后欲廖

目疾北門外有一僧相貌猙獰有道僧也跌坐市中召唵經咒自有應驗天明遣使覓之果如夢言召之唵經三月而目愈御賜齋經及幢旛寶蓋等物至今藏於寺中前七日預知涅槃日時屆期無疾端坐而化公安禮部主事袁宏道與之友善贈荅詩甚多見中郎文集

澧州龍潭寺唐睦州黃明遠居此善誦度人經每晚有一叟來聽明遠俟經畢問姓名輒不見一日叟跪告曰吾橫山潺水洞白龍也有過見責上帝藉

托宅西小池一年矣旦夕荷君經功今得解脫得歸故洞明年當大早有符篆一道以酬君德依此祈禱當得感應言已次年果旱明遠設壇祝禱持符篆往洞取水歸遂得大雨壇前有一魚蝦是夕夢叟謂曰今歲天旱上帝勅閉江河溪洞吾昨於官陂堰取水以應君求毋再瀆也覺視果涸小池尚存水極清冷夏月生金蓮花人多賞玩云

平江法興寺有錢鏐王草書多心經併黃山谷東坡墨跡胡天遊七歲遊其寺題詩云山色搖光入袖涼

古州志  
松蔭十丈印迴廊老僧讀罷楞嚴咒一殿神風栢  
子香

灑鑑禪師雲門偃法嗣住巴陵新開院上堂荅僧問  
作三轉語呈雲門故乾明寺今有三語軒出大藏  
經

曾禪師德山密法嗣住巴陵乾明僧問萬行齊修古  
人不許不落功勳還許也無師曰三十年後

睦禪師洞山初法嗣住巴陵乾明僧問昔日靈山記  
今朝嗣阿誰師曰楚山突兀漢水東流曰怎麼則

洞山助門也師曰聽事不真喚鐘作甕

機禪師太陽佉法嗣住巴陵乾明僧問如何是佛法  
大意師曰此問不虛如何是東禪境師曰定行不  
曾離舊岸紅塵怎敢入波來

奕禪師百丈源法嗣居巴陵乾明僧問獼猴不進圈  
時如何師打云也跳不出

昭覺禪師昭覺勤法嗣住岳州君山上堂講仰之彌  
高四句書

詹伯禪師百丈源法嗣住君山



善會禪師船子誠法嗣住夾山寺僧問如何是夾山  
境師曰猿抱子歸青嶂裏鳥啣花落碧巖前

崇信禪師渚宮人嗣天皇悟住澧龍潭寺李翱刺史  
問如何是真如般若師曰我無真如般若李曰幸  
遇和尚師曰此猶是分外之言

仲安禪師大瀉泰法嗣住澧州靈巖上堂語衆云穿  
楊箭與驚人句不是臨時學得來

鑑旨采禪師脣伯法嗣住乾明寺語錄云橫塘桡影  
魚吞樹覆徑槐陰馬踏枝

論曰湖以洞庭名者謂爲神仙洞府之庭地以事  
傳事又以地傳矣朗吟吹笛爲世所艷稱六合之  
外存而不論矧近在几席者乎安得以小道而置  
之

長沙  
軒車又  
備日賦以剛致各

岳州府志卷之二十七

岳州府知府李遇時鑒定

穉人 楊柱朝纂修

藝文

賦

章華臺賦

漢邊讓

楚靈王既遊于雲夢之澤息于荆堂之上前方淮之  
水左洞庭之波右顧彭蠡之隩南眺巫山之阿延目  
廣望騁觀終日顧左史倚相曰盛哉斯樂可以遺老

而忘死也于是遂作章華之臺築乾溪之室窮土木  
之技殫琛寶之實舉國營之數年乃成設長夜之瑤  
宴作北里之新聲于是伍舉知夫陳蔡之將生謀也  
乃作賦以諷之胄高陽之苗胤兮承聖祖之洪澤建  
列藩于南楚兮等威靈于二伯超有商之大彭兮越  
隆周之兩虢達皇佐之高勳兮馳仁聲之顯赫惠風  
春施神武電斷華夏肅清五服攸亂旦垂精于萬機  
兮夕回輦于門館設長夜之歡飲兮展中情之嫵婉  
竭四海之妙珍兮盡生人之秘玩爾乃携窈窕從好

讐徑肉林登糟丘蘭殺山竦椒酒淵流激佞澧于清  
池兮靡微風而行舟登瑤臺以四望兮冀彌日以消  
憂于是招宓妃命湘娥齊倡列鄭女羅揚激楚之清  
宮兮展新聲而長歌繁手超于北里兮妙舞麗于陽  
阿金石類聚絲竹羣分被輕袿曳華文羅衣飄飄組  
綺繽紛縱輕軀以迅赴若孤鶴之失羣振華袂以透  
迤若遊龍之登雲于是歡憮旣洽長夜向半琴瑟易  
調繁手改彈清聲發而響激微音逝而流散振弱女  
而紆繞兮若綠繁之垂幹忽飄颻以輕失兮似鸞飛

于天漢舞無常態鼓無定節尋聲響應修短靡跌長袖奮而生風清氣激而繞結爾乃妍媚逶進巧弄相如俯仰異容忽兮神化體迅輕鴻榮擢春華進如浮雲退如激波誰復柳惠能不咨嗟于是天河旣回淫樂未終清籥發徵激楚揚風于是音氣發于絲竹兮飛響軼于雲中比目應節而雙躍兮孤雌感聲而鳴雄美繁手之輕妙兮嘉新聲之彌隆于是衆變已盡羣樂旣考歸乎生風之廣廈兮修黃軒之要道携西子之弱婉兮援毛嬪之素肘形便娟以嬋媛兮若流

風之靡艸美儀揉之姣麗兮忽遺生而忘老爾乃清夜晨妙妓單收尊俎徹鼓盤惘焉若醒撫劔而歎慮理國之須才悟稼穡之艱難美呂尚之佐周善管仲之輔桓將超世而作理焉沉湎于此歎于是罷女樂墮瑤臺思夏禹之卑宮慕有虞之士階舉英奇于仄陋拔髦秀于蓬萊君明哲以知人官隨任而處能百揆時敘庶績咸熙諸侯慕義不召同期繼高陽之絕軌崇成莊之洪基雖齊桓之一匡豈足方于大持爾乃育之以仁臨之以明致虔報于鬼神盡肅恭于土

京馳淳化于黎元永歷世而太平

洞庭賦

宋夏侯嘉正

惟楚之南有水曰洞庭環帶五郡森不知其幾百里披襟而觀之則異狀動促狀跂慄狀駭愕狀怡悅狀駕春雲而軾霓浩若浮汗漫而朝躋退若據泰山之安進若履千仞之危情若無識炯若通微跛若不倚踰若將馳耳不及掩目不暇移情悖心嬉二三日而後神始宅氣始正若此不敢以賦爲事者二年狀眷眷不已一日登榮丘望大澤有雲崒兮興歎兮止興

止未霽忽若有遇由是清陽輝泳芳澤覩一異人于崑之際霞爲裙雲爲袂冰膚雪肌金環玉珮浮立羨門斯實其對因言曰若非好辭者耶曰狀狀則若智有所不通識有所不窳而循乎無端之紀若無殆乎又曰狀狀志極則物應思精則道通嘉若之勤無詳無談吾爲若稱云大極之生日地曰天中含五精五精之用而水居一焉水之疏通則爲江兮遠則爲河積則爲滯兮總則爲湖若今所謂洞庭者傑立而孤廓狀如無區其狀無徒舍陽字陰元神之都曖曖昧

味百川不敢逾有若神者有若賓者有若僕者有若子者有若附庸者有若娣姒者有若禹會塗山武巡牧野千同百會紛處麾下六合澄靜中流迴睨莽莽蒼蒼纖藹不翳太陽望舒出沒其間萬頃咸沸疆而名之爲巨澤爲長川爲水府爲大淵縱之不踰跼之不卑乍若資人以重自持誘之不前犯之愈堅又若良將以謀守邊澎澎濛濛浩爾一致又若大始未有名義冲冲漠漠二氣交錯又若混沌凝狀未鑿此乃方輿之心胸消海之郭廓也三代之前其氣濩落浩浩滔天與物迴薄滅木襄陵無際無廓二帝降鑿巨人斯作乃命佗彛授禹之機隧山墜谷滌源暢微狀後若金在鎔若木在工流精成器夫何不通是澤之設允執厥中旣異其性遂得其正有升有降有動有靜曰升降動靜可得聞乎曰水之性非圓非方非柔非剛非直非曲非元非黃劃象爲坎本乎羲皇外婉而固內健而彰降而復始升以復張其靜處陰其動隨陽六府之甲萬化之綱式觀是澤乃知天常若乃四序之變九夏攸處烘狀而炎沸狀而煮羣物鴻洞爍

爲隆暑澤之作欣狀其容若去若住若茹若吐靈趨  
怪覲杳不可覩蒸之爲雲散之爲雨倏忽萬象如還  
太古真可嘉也若乃秋之爲神素氣清泚肅肅條條  
羣籟四起澤之動黝狀其姿若挺若倚若行若止與  
宮離離爲之騰風蒼梧崇崇爲之供雲四顧一色黯狀  
氤氳其聲瀾瀾若商非商若徵非徵東奏海門一浪  
五千里又足畏也言其狀則石狀而骨岸狀而革蒸  
狀而營泮狀而脉有山而心有洞而腹有玉而體有  
珠而目窳鼻孤島呀口萬谷臂帶三吳足跬荆巫或

跂狀而望或翼狀而趨彭蠡震澤詎可云乎曰澤之  
態已聞命矣水之狀將何如曰大道變易或文或質  
沉潛自迷其類非一或被甲而運或曳裙而圓或禿  
而跋或角而蜿或吞而呀或吐而牙或心以之蟹或  
目以之蝦或修臂而攘或橫鶩而疾或髮于首或髯  
于肘或儼而莊而毅而黝彪彪玢玢若大虛之含萬  
彙各循其生而合于羣者也曰若神之資其品如何  
神曰清矣靜矣麗矣至矣邈難知矣肇于古有所未  
達形于今有所未察非希非彘合其心于自狀狀後

上天入地三根六炁水居陸處夫何不燭彼鯨鯉之  
賢轡龍之仙乃吾之肩也其餘海若天吳陽侯神胥  
齟齬而遊曾不我儔臣又問曰易稱王公設險是澤  
之險可以爲固而歷代興衰其義安取曰天道以順  
不以逆地道以謙不以盈故治理之世建仁爲旌聚  
心爲城而弧不暇弦矛不暇鋒四海以知而大同何  
必恃險阻據要衝若秦得百二爲帝齊得十二爲王  
其山爲金其水爲湯守之不義歛狀而亾水不在大  
恃之者敗水不在微怙之者危漢疲于昆明築困于  
酒池亦其類也故黃帝張樂而興三苗棄義而傾則  
知洞庭之波以仁不以亂以道不以賊惟賢者觀之  
而後得也于是盤桓徙倚凝精流視罄以辭對倏狀  
而晦

岳陽樓賦

明田汝耕

是歲辛巳之冬巡歷茲方撫時卽事而有作也值此  
明盛又奚爲云云狀區區康樂私憂過計若不得已  
而爲之辭至于發憤介行立身以效法古人亦將孜  
孜爲善惟日不足者乎嗟余生之不若人兮夫何



離羣而索居志徜徉而莫羈兮耽憑高而御虛夙總  
角正一統兮潛河梁于衡廬中弱冠以登庸兮觀國  
炎而民据素菲薄而寡謀兮從拾遺之上書步廊廟  
于逍遙兮思江湖以容與歷晉陽以攬轡兮復荆南  
而投車循鄂渚以按節兮指巴陵而揚旛衷懷其弗  
可解兮暇日陟夫岳陽冬融融以如熏兮景翩翩而  
就長躡丹梯之迤邐兮石磴稜嶒乎相望刻文桂以  
爲榱兮斲木蘭以爲梁和瑤屑以次甃兮塗石脂夫  
雕墻疏綺軒之玲瓏兮排繡屏乎輝煌控金壁之崆  
峒兮耀山藻之斐章吾不知人間斯所兮胡狀而疑  
乎尚方俯靈波而凝睇兮開素鏡之耿光來君山伊  
咫尺兮宛青螺于中央沅潺湲而南下并淑流之汪  
洋辰綿綿其如綫兮酉水合而湯湯彼資永其右洞  
兮湛俄頃之滂潢左青泔入于淒澧兮會東瀦之瀟  
湘佇徒倚以暇矚兮漫青艸之蒼茫時周旋以旁眺  
兮渺赤沙而悽愴帝子其不還兮空徘徊以辛傷  
杳靈妃之安在兮思恍惚而飛揚須臾蛟龍糾其奔  
騰兮鼉鼉翼而翔翔燕雀紛其伏匿兮鵬鶚竝舉而

頽頽挹塵氛之蕩滌兮仙歟乎清涼日月代而出沒  
兮天地蘊其佹黃託往昔余涉履兮延登臨以遨遊  
比國步其多躋兮橫不維之方舟嘗激奮以勇裁兮  
值中道而彘猶雖強娛以追懽兮奚能免夫隱憂今  
湯網肇恢廓兮綱紀于焉兆修一人穆嘉靖兮庶工  
咸休適清明躋間暇兮伊將何求偕同心以攀援兮  
樂吾生之優游烹蒲葦于錡鑪兮魚鱉于釜鬻佳  
人胥獻酌兮稚子爲余酌斟吹桓伊之弄笛兮調伯  
牙之遺琴歌皇華舞白苧兮將寫余之初心念長夜  
之漫漫兮忽達旦其皦皦恐祥霽之氤氲兮又淫浸  
其縹緲惟天道突其冥冥兮信消息之漸漸諒復姤  
之相尋兮寔泰否之交占固哲人之大觀兮羗炳照  
夫幽獨徵采色于白賁兮聆希聲于空谷嘆萬物之  
難齊兮泰榮身而干祿意人生之不偶兮或隱咎于  
積福永顧慮以儻侗兮惕上帝之臨女抱悚慄于平  
康兮何敢怠夫啓處世溷淪而莫憬兮出言若爲齟  
齬彼凡古之晏笑兮伊誰爲之誨語噫嘻白日奄奄  
其將暮兮仰鴻鴈之徂征僕夫駕言孔棘兮促吾儕

之戒行閔踪跡之漂泊兮逐波蕩之浮萍聽孺子之  
罔覺兮歌滄浪之濯纓準前修之規矩兮庶方圓之  
靡爭苟柄鑿之弗入兮終蹇劣而無成彼阮稽之放  
弛兮又奚用夫逃形隨彛善道而固守兮垂不沒之  
令名

後東山艸堂賦

李東陽

東山居士再自京師而歸也乾清坤寧風恬日熙山  
將水迎鶴忻猿嬉感萬類之咸遂嗟行樂之及時卸  
驚颿于陸海解故繫于天羈爾其雨過湖平涼生秋

杪心送馳波皆決飛鳥稅駕乎九達之衢振衣乎千  
仞之表倏雪開而霧散豁塵夢之初曉覽宇宙之無  
窮逮吾生之未老非遯跡以遺世聊閉閤而却掃客  
有剝啄之聲徹于戶內者居士曰子其誰哉客曰曩  
昔之歲過君之門而聞繡服荷衣之歌而去者也乃  
與之坐而語曰子之不相聞者九年于是矣茲者惠  
狀過我其有謂也耶客曰昔子之來之芻裳布裘以  
木石爲羣與魚樵者遊爾往我還爾歌我酌自君之  
出矣衣錦食肉駟馬高蓋朱丹其轂奔走屬吏控制

藩服絕我跡于雲泥貴爾音于金玉幸逸足之可攀  
庶前盟之有續云爾居士曰噫噓噓是誠何心哉當  
夫事劇嶺海志移山林觸炎埃之勃鬱歷遠道之崎  
嶇身有所不敢潔口有所不得瘖詔使沓至天威載  
臨奮疲庸于鞭策起廢疾于呻吟固欲趣嚴裝以赴  
召向國門而挂簪及乎預運帷之密命承側席之虛  
襟責負山重恩同海深思趙宣之假寐惜陶侃之分  
陰已而抱號弓之往恨聽擊壤之新音閱寒暄之代  
謝懷止足之規箴惧血氣之既衰爲富貴之所淫諒

今之不能爲昔猶夫昔之不能爲今也客撫朕久之  
曰吾儕細人朝饔夕飧觀山而不窮其巔望海而不  
極其源以皦皦爲能以孑孑爲難寧獨知大羹不調  
大玉不琢招之而莫致其來撓之而不見其濁此賢  
者之不可測也信斯言之則朕遂爲之歌曰楚之水  
兮荆山望佳人兮不還翩朕兮歸來躡岵巵兮弄潺  
湲彼世間兮何物吾之樂兮吾天又歌曰桂棟兮蘭  
房君歸來兮此堂山可屐兮水可航彼胡爲兮天一  
方歸來歸來兮樂不可以極願從子兮徜徉居士筦

爾而笑曰今日何日故吾今吾出我處我天乎人乎  
呼我者應以爲馬愛人者必及其烏疑我何深見我  
何粗獨斯堂之在山終不改于厥初不俛仰與世而  
推遷不趨諾隨時而毀譽匪是物之有恒吾何恃而  
歸歟于是舉酒屬客客亦大噱岳雲漸開江月將落  
逍遙象外俯仰磅礴居士達觀靜慧蓋將後天下而  
樂也

詩

遊洞庭湖湘

唐張說

緬邈洞庭岫、窻蒙水霧色、宛在太湖中、可望不可卽、  
剖竹守窮渚、開門對竒域、城池自籠密、纓綬爲徽繫、  
靡日不思往、經時始願克、飛棹越溟波、維舟恣攀陟、  
窳窳入雲步、崎嶇倚松息、巖壇有鶴過、壁字無人識、  
滴石香乳溜、垂厓露艸植、玩幽輕霧阻、討異忘曛逼、  
寒沙際水平、霜樹籠烟直、空宮聞莫覩、地道窺難測、  
此處學金丹、何人生羽翼、誰傳九光要、幾拜三仙術、

紫氣徒想像清談長渺默霓裳若有來觀我雲峯側

早霽南樓

唐張說

山水佳新霽南樓翫初旭夜來枝半紅雨後洲全綠  
四運相終始萬形紛代續適臨青艸湖再變黃鶯曲  
地穴穿東武江流下西蜀歌聞湘渚遭舞見長沙促  
心阻事多違神和生自足白髮悲上春如常謝先欲

登南樓

唐張說

君子每念春江上共流盼遠水林外明近巖霧中見  
終日西北望何處是京縣屢登高春臺徒使淚如霰

寓岳州

唐張說

夜夢雲闕門從容簪屐列朝遊洞庭上迥望京華絕  
潦收江未清火退山更熱重欵視欲醉懵滿氣如噎  
噐留臭鱉腥衣點蚊蚋血髮白思益壯心佞用弭拙  
剋劍日苔蘚琴書坐廢撤惟有報恩字刻意長不滅  
石門墨山二山相連有禪堂觀天下絕境

唐張說

茵輪江上山近在華容縣常涉巴丘首天清遙可見  
佳遊屢前諾芳月愆幽眷及此符守移歡言臨道便

既攜賞心客，復有送行椽。竹徑入陰窗，松蘿上空蒼。  
艸共林一色，雲與峯萬變。探窺石門斷，綠越沙澗轉。  
兩山勢爭雄，峯巘相顧盼。藥妙靈仙寶，境華巖壑選。  
清都西淵絕，金地東敞宴。池果接園畦，風烟邇臺殿。  
高筭去石頂，曠覽天宇遍。千山紛滿目，百川滌對面。  
騎來雲氣迎，人去鳥聲戀。長揖桃源士，舉世同仙羨。

南樓詩

唐趙冬曦

嚮曙躋南樓，憑軒肆遐矚。物華蕩暄氣，春景媚晴旭。  
川霽湘水孤，林芳楚雲縹。列巖重疊翠，遠岸逶迤綠。  
風帆摩天根，魚艇散灣曲。鴻歸鶴舞送，猿叫鶯聲續。  
羣動皆熙熙，憶予獨羈束。常欽才子義，忌鵬傷踈跼。  
雅高騷人文，懷沙何迫促。未知二賢意，去矣從所欲。

湘中寄王侍御

唐丘爲

日月湖水上，好登湖上樓。終年不向郭，過午始梳頭。  
嘗愛一盃酒，得無相獻酬。小童能膾鯉，少妾事蓮舟。  
每有南海信，相期後月遊。方春轉搖蕩，孤嶼時淹留。  
驄馬真傲吏，翛然無所求。晨趨玉階下，心許滄江流。  
少別如昨日，何言經數秋。應知方外事，獨往非悠悠。

岳陽別李十七越賓

唐王昌齡

相逢楚水寒、舟在洞庭驛、具陳江波事、不異淪棄跡、  
衫土秋雨聲、悲切蒹葭夕、彈琴收餘響、來送千里客、  
平明孤帆心、歲晚濟代策、時在身未克、瀟湘不盈尺、  
湖小舟渚聯、澹淡烟景碧、魚鱉自有性、龜龍無能易、  
譴黜同所安、風土任所適、閉門觀元化、攜手遺損益、

巴陵劉處士東齋作

唐王昌齡

劉生隱岳陽、心遠洞庭水、偃帆入山郭、一宿楚江裏、  
竹映秋館深、月寒江風起、烟波桂陽接、日夕數千里、

娟娟清夜猿、孤舟坐如此、湘中有來鴈、雨雪侯音旨、

登岳陽樓有懷寄座主相公

唐曹鄴

南登岳陽樓、北眺長安道、不見昇平里、千門樹如艸、  
骨肉在南楚、沉憂起常早、白杜愁成空、秋蕪待誰掃、  
常聞詩人語、西子不宜老、賴識丹元君、時來語蓬島、

巴陵早春寄荊州

崔司馬吏部

賈至

滴君瀟湘渚、再見洞庭秋、極目連江漢、西南浸斗牛、  
滔滔盪雲夢、澹澹搖巴丘、曠如臨渤澥、窗疑造瀛洲、  
君山麗中波、蒼翠長夜浮、帝子去永久、楚詞常悲愁、



我同長沙行時事加百憂登高望舊國戎馬滿東周  
宛葉遍蓬蒿樊鄧無良疇獨攀青楓樹淚灑滄江流  
故人西掖寮同扈岐陽蒐差池盡三黜蹭蹬各南州  
相去雖地近不得從之遊耿耿雲陽臺迢迢王粲樓  
跂子暮霞裏誰謂無輕舟

郢門秋懷

李白

郢門一爲客巴月成三弦朔風正搖落行子悲歸旋  
杳杳山外日茫茫江上天人迷洞庭水鴈渡瀟湘煙  
清曠諧夙好礧磷及此年百齡何蕩漾萬化相推遷

空謁蒼梧帝徒尋溟河仙已聞蓬岳淺豈見三桃園  
倚劍增浩漢捫襟還自憐終當遊五湖濯足滄浪泉

荊州賊平臨洞庭言懷

李白

脩蛇橫洞庭吞象臨海島積骨成巴陵遺言聞楚老  
水窮三苗國地窄三湘道歲晏天崢嶸時危人枯槁  
思歸阻喪亂去國傷懷抱郢路方丘墟章華亦顛倒  
風悲猿嘯古木落鴻飛早日隱西赤沙月明東城草  
關河望已絕氛霧行當掃長叫天可聞吾將問蒼昊  
登巴陵開元寺西閣贈衡嶽僧方外

衡山有開士、五峯秀真骨、見君萬里心、海水照秋月、  
大臣南溟去、問道皆請謁、酒以甘露言、清涼潤肌髮、  
湖海落天鏡、香閣凌銀闕、登眺餐惠風、新花期啓發、

秋望洞庭

李白

清晨登巴陵、周覽無不極、明湖映天光、徹底見秋色、  
秋色何蒼然、際海俱成鮮、山清滅遠樹、水綠無寒煙、  
來帆出江中、去鳥向日邊、風清長沙浦、霜空雲夢田、  
瞻光惜顏髮、閱水悲徂年、北渚旣蕩漾、東流自潺湲、

郢人唱白雪、越女歌采蓮、聽此更腸斷、憑崖泪如泉、

洞庭湖

李白

日晚湘水綠、孤舟無端倪、明湖漲秋月、獨泛巴陵西、  
遇憇裴逸人、巖居凌丹梯、抱琴出深竹、爲我彈鳴鷄、  
曲盡酒亦傾、北窻醉如泥、人生且行樂、何必組與圭、

九日登巴陵望洞庭

李白

九日天氣清、登高無秋雲、造化闢川岳、了然楚漢分、  
長風鼓橫波、合沓蹙龍文、憶惜傳遊豫、樓船壯橫汾、  
今茲討鯨鯢、旌旆何繽紛、白羽落酒樽、洞庭羅二軍、

裴逸人

黃花不掇手、戰鼓遙相聞、劍舞轉頽陽、當時日停曛、  
酣歌激壯士、可以催妖氛、齷齪東籬下、淵明不足羣、

題三湘圖

唐 郎士元

昔日醉衡霍、邈來憶南州、今朝平津邸、兼得瀟湘遊、  
稍辨郢門樹、依然芳杜州、微明三巴峽、咫尺萬里流、  
飛鳥不知倦、遠帆生暮愁、涪陽指天末、此緒空悠悠、  
枕上見渙父、坐中當狎鷗、誰言魏闕下、自有東山幽、

湘妃廟

唐 郎士元

蛾眉對湘水、遙哭蒼梧山、萬乘既已沒、孤舟誰忍還、  
至今楚山上、猶有淚痕斑、

湘宮人歌

唐 溫廷筠

池塘芳意濕、夜半東風起、生綠畫羅屏、金盞貯春水、  
黃粉楚宮人、芳花正刻麟、娟娟照臺燭、不語兩含嚬、

岳陽樓別竇司直

唐 韓愈

洞庭九州間、厥大誰與讓、南涯羣崖水、北注河奔放、  
瀕爲七百里、吞吐各殊狀、自古澄不清、環混無歸向、  
炎風日搜攬、幽怪多冗長、軒然大波起、宇宙隘而妨、  
巍峩拔嵩華、騰蹕較健壯、聲音亦何宏、轟軻車萬兩、

猶疑帝軒轅張樂就空曠蚊虻露宿簾綈練吹組帳  
鬼神非世人節奏頗跌踢陽施見跨麗陰閉感悽愴  
朝過宜春口極北缺堤障夜纜巴陵洲叢芮纔可傍  
星河盡涇泳俯仰迷下上餘瀾怒不已喧聒鳴甕盎  
明登岳陽樓輝煥朝日亮飛廉戢其威清晏息纖纒  
泓澄湛凝綠物影巧相况江豚時出戲驚波忽蕩漾  
時當冬之孟隙竅縮寒漲前臨指近岸側坐眇難望  
滌濯神魂醒幽懷舒以暢主人孩童舊握手乍忻悵  
憐我竄逐歸相見得無恙開筵交履舄爛慢倒家釀

孟行無留停高柱送清唱中盤進橙栗投擲傾脯醬  
歡窮悲心生婉孌不能忘今昔始讀書志欲于霸王  
屠龍破千金爲藝亦云亢愛財不擇行觸事得讒謗  
前年出官由此禍最無妄公卿探虛名擢拜識天仗  
姦猜畏彈射斥逐恣欺誑新恩移府庭逼側厠諸將  
吁嗟若鴛緩但懼失宜當追思南渡時臭腹其所葬  
嚴程追風帆劈箭入高浪顛沉在須臾忠鯁誰復諒  
生還真可喜克已自懲創庶從今日後粗識得與喪  
事多改前好趣有獲新尚誓耕十畝田不取萬乘相

細君知蠶織稚子已能餉行當掛其冠生死君一訪

洞庭湖

唐 韓愈

十月陰氣盛北風無時休蒼茫洞庭听與子相繼舟  
霧雨晦爭泄波濤怒相投鷄犬斷四聽糧絕誰與謀  
相去不容步險如凝山坵清談可以飽夢想接無由  
男女喧左右啼饑但啾啾非懷北歸興何用勝羈愁  
雲外有白日寒光自悠悠能合暫開霽過是吾無求

送李礎判官歸湖南

唐 韓愈

長沙入楚深洞庭值秋晚人隨鴻鴈少江共蒹葭遠

歷歷余所經悠悠子當返孤遊懷耿介旅宿夢婉婉  
風土稍殊音臭艱日異飯親交俱在此誰與同息偃

登二妃廟

唐 吳筠

朝雲亂入日帝女湘川宿折齒巫山下採苻洞庭腹  
故以輕薄好千里命艫舳何事非相思江上歲蕤竹

湘妃

唐 孟郊

南巡竟不還二妃怨愈積萬里喪娥眉瀟湘水空碧  
冥冥荒山下古廟收真魄喬木深青春清光滿瑤席  
攀芳徒自薦靈意殊脉脉玉佩不可親徘徊煙波夕

抄秋洞庭中懷亡道士謝太虛

唐

劉長卿

漂泊日長日、洞庭今夜秋、楓清亦何意、此夜催人愁、  
惆悵客中月、徘徊江上樓、心如楚天遠、目送滄波流、  
謝客久已沒、微言無處求、空餘白雲在、容與隨孤舟、  
千里杳難望、一身常獨遊、故園復何許、江海徒淹留、

初至洞庭懷灞陵別業

唐

劉長卿

長安邈千里、月夕懷雙闕、已是洞庭人、猶看灞陵月、  
誰堪去鄉意、親戚想天末、昨夜夢中歸、烟波覺來濶、  
江臯見芳艸、孤客心欲絕、豈訝青春來、但傷經時別、  
長天不可望、鳥與浮雲沒、

洞庭驛樓雪夜宴集奉贈前湘州張員外

唐李群玉

昔與張湘州、閑登岳陽樓、目窮衡巫表、興盡荆吳秋、  
擲筆落郢曲、巴人不能酬、是時簪裾會、景物窮冥搜、  
誤忝玳筵秀、得陪文苑遊、幾年雲楣上、風雨沉銀鈎、

湘中古怨

唐

李群玉

南雲哭重華、水死悲二女、天邊尤點黛、白骨遺處所、  
朦朧波上瑟、清夜降北渚、萬古一雙魂、飄飄在煙雨、

題安州浮雲寺寄湘川張郎中 杜牧

去夏疎雨餘同倚朱欄語當時樓下水今日到何處  
恨如春艸多事與孤鴻去楚岸柳無窮別愁紛若絮

湘竹 宋梅堯臣

劈竹兩分開情知無合理織作湘紋簟依然淚花紫  
淚花雖復合疑岫幾千里欲識舜娥悲無窮似湘水

敬簡堂 宋熹

煌煌夜方中農隙孟冬月君侯敞齋扉華扁正新揭  
我來適茲時亦有大夫笈清觸不留行晤語得超越

更看雷雨勢翻動龍蛇屈襟懷真能豁肝膽亦已竭  
老仙來何方湖海氣磅礴君侯歛袂起顛越承履襪  
主人驚創見引去殊卒卒伊今不忘逝頓首願有謁  
人生均秉彝天造豈停歇云何利害判所轄無一髮  
茲焉辨不早大本將恐蹙吾言實自箴君聽未易忽

懷湘曲 李夢陽

湘筠寒翠滿白日起秋雲美人杳何處江氣長氤氳  
手持紫玉管遙望青霞君藹藹波水暮何由致慇懃

湘妃怨 李夢陽

采蘭湘北址、塞水澧南海、淥水含瑤彩、微風託玉音、  
雲起蒼梧夕、日落洞庭陰、不知篁竹苦、惟見淚班深、

洞庭秋月行

劉禹錫

洞庭秋月生湖心、層波萬頃如鎔金、孤輪徐轉光不  
定、遊氣濛濛隔寒鏡、是時白露三秋中、湖心月上天  
地空、岳陽城頭暮角絕、蕩漾已過君山東、城蒼蒼、夜  
寂寂、水月逶迤遶城白、蕩漾巴童歌竹枝、連檣估客  
吹羌笛、勢高夜久陰力全、爽氣肅肅開清躔、浮雲夜  
鳥歸四裔、首冠星斗當中天、天鷄相呼曙霞出、劍影

含光讓朝日、日出喧喧人不聞、夜來晴景非人間、

湘江

黃文

瀟湘江頭三月春、柳條綠、日搖黃金鷓鴣一聲在何  
處、黃陵廟前煙靄深、丹青欲畫無好手、穩提玉勒沉  
吟久、馬蹄不爲行客留心掛、長林屢回首、

寄岳州張使君

王安石

昔人寧飲建業水、共道不食武昌魚、公來建業每自  
如、亦復不厭武昌居、武昌山川今可想、綠水逶迤煙  
莽蒼、白鷗晴飛隨雨梁、岸薺茸茸映魚網、投老留連



陌上塵思公一語何由往

汨羅廟

夏原吉

五月五日天氣晴古羅士庶思屈平聲金伐鼓集畫  
艗浩歌競渡招沉靈沉靈不返知何往楚國蕭蕭空  
艗莖聊將一滴菖蒲漿酒向清波寄遐想

晚泊湘江

宋之問

五嶺栖皇客三湘領頽頽况逢秋雨霽表裏見衡山  
路逐江南轉心依鴈北還唯餘望鄉淚更染竹成班  
將至岳陽有懷趙二

張九齡

湘岸多深林青冥晝結陰獨無謝客賞况復賈生心  
艗色雖云發天光或未臨江潭非所遇爲爾白頭吟

夜渡湘江

孟浩然

客行貪利涉夜裏渡湘川露氣聞香杜歌聲識暗蓮  
榜人投斨火渙子宿潭煙行旅遙相問涔陽何處邊

岳州別姚司馬紹之制許歸侍

張說

和玉悲無已長沙宦不成天從扇枕願人遂倚門情  
方外懷司馬江東憶步兵同君棲泊處空嶺夜猿驚

岳州山城

張說

岳州府志上 卷之三  
山城豐日暇閉戶見天心東曠迎朝色西樓引夕陰  
書觀千載近學靜二毛深忽有南風至吹君堂上琴

岳州晚景

唐張說

晚景寒鴉集秋聲海鴈歸水光浮日去霞彩映虹飛  
洲白蘆花吐園紅柿葉稀長沙卑濕地九月未成衣  
湘州九日城北亭子

西楚茱萸節淮南戲馬臺寧知沅水上復有菊花杯  
亭帳憑高出親遊自遠來短歌將急景同使興情催

岳州守歲

唐張說

除夜清樽滿寒亭降火多舞衣連臂拂醉坐合聲歌  
至樂都忘我真心自委和今年只如此來歲知如何

岳州宴別潭州王熊二首

唐張說

絲音清耳哀一曲傾一杯氣將歆諾重心向友朋開  
古木無生意寒雲若死灰贈君芳杜艸爲植建章臺

其二

縉雲連省閣溝水遽西東歆諾心猶在榮華歲不同  
孤城臨楚塞遠樹入秦宮誰念三十里江潭一老翁  
入朝過岳州宴餞

蕭都督

孤城抱大澤，節使往朝宗。果是基中舊，依然水上逢。  
京華遙比日，疲老颯如冬。竊嘆能言鳥，陶思向九重。  
岳州贈廣平公宋夫人  
蕭都督

亞相本時英，歸來復國禎。朝推長孺直，野慕隱之清。  
傳節迴閩障，皇華入漢京。寧思江上老，歲晏蹇無成。  
岳州有贈二首  
賈至

極浦三春艸，高樓萬里心。楚山晴靄碧，湘水暮流深。  
忽與朝中舊，同爲澤畔吟。停盃試北望，還欲淚沾襟。  
其二

攜手登臨處，巴陵天一隅。春生雲夢澤，水溢洞庭湖。  
共嘆虞翻枉，同悲阮藉途。長沙舊卑濕，今古不應殊。  
南州有贈  
賈至

越井人南去，湘川水北流。江邊數盃酒，海內一孤舟。  
嶺嶠同仙客，京華卽舊遊。春心將別恨，萬里共悠悠。  
泊岳陽城下  
杜甫

江國踰千里，山城僅百層。岷風翻夕浪，舟雪灑寒燈。  
留滯才難盡，艱危氣益增。圖南未可料，變化有鵬鶩。  
陪裴使君登岳陽樓  
杜甫

湖濶兼雲霧、樓孤屬晚晴。禮加徐孺子、詩接謝宣城。  
雪岼叢梅發、春泥百艸生。敢違渙父問、從此更南征。

宿白沙驛

唐 杜甫

水宿仍餘照、人煙復此亭。驛邊沙舊白、湖外艸新青。  
萬象皆春氣、孤槎自客星。隨波無限月、的的近南溟。

岳陽送李大夫七丈勉赴廣州

唐 杜甫

斧越干青冥、樓船過洞庭。北風隨朔氣、南斗避文星。  
日月籠中昴、乾坤水上萍。卜居休作賦、垂老見飄零。

岳陽樓二首

唐 杜甫

昔聞洞庭水、今上岳陽樓。吳楚東南圻、乾坤日夜浮。  
親朋無一字、老病有孤舟。戎馬關山隔、憑軒涕泗流。

其二

蛟室圍青草、龍堆隱白沙。護堤盤古木、迎棹舞神鴉。  
破浪南風正、回檣畏日斜。湖光與天遠、直欲泛靈槎。  
與賈舍人於龍興寺望瀟湖

唐 李白

剪落青梧枝、瀼湖坐可窺。雨洗秋山淨、林光淡碧滋。  
水開明鏡轉、雲繞畫屏移。千古風流事、名賢共此時。

洞庭

唐 李群玉

岳州府志上 卷之二十一 三十一  
楚色籠秋草、秋風洗洞庭、夕霏生水寺、初月落雲汀、  
棹響來空澗、漁歌去杳冥、欲浮闌下艇、一到斗牛津、

洞庭風雨

唐 李群玉

巨浸吞湘澧、西風忽怒號、水將天共黑、雲與浪爭高、  
羽化思乘鯉、山漂欲拜鰲、鳥陽猶曝翅、真恐濕蟠桃、

中秋維舟君山看月二首

唐 李群玉

汗漫鋪澄碧、朦朧吐玉盤、雨師清滓穢、川後掃波瀾、  
氣射繁星滅、光籠八表寒、從來雲漲迥、路上碧霄寬、

其二

耀耀遊何處、蟾蜍食漸殘、棹翻銀浪急、林映白虹攢、  
練影連河曉、冰暉壓樹乾、夜深高不動、天下仰頭看、

杪秋宿洞庭

唐 周賀

洞庭初下葉、旅客不勝愁、明月天涯夜、青山江上秋、  
一官成白首、萬里寄滄洲、只被浮名繫、寧無媿海鷗、

杪送楊嶽歸巴陵

唐 周賀

何處得鄉信、告行當雨天、人離京口日、潮入岳陽般、  
孤鳥背林色、遠帆開浦煙、悲君唯此別、不肯話迴年、

岳陽

唐 張喬

遠色岳陽樓，湘帆數片愁。  
竹風山上路，沙月水中洲。  
力學桑田廢，思歸鬢髮秋。  
功名如未立，豈易狎汀鷗。

過洞庭湖

唐張喬

浪高風力大，挂席一言遲。  
及到堪憂處，爭如未濟時。  
魚龍侵莫測，雷雨動須疑。  
此際情無賴，何因寄所思。

岳陽僧舍

唐張喬

喜到重湖地，孤舟橫晚煙。  
鷺啣魚入寺，鴉接飯隨船。  
松檜君山迥，菰蒲夢澤連。  
與師吟論處，秋水浸遙天。

送劉山人歸洞庭

唐李頻

去意無人會，唯應道是從。  
半湖乘早月，中路入疎鍾。  
秋盡戶蟲急，夜深山雨重。  
當時將隱者，分得幾株松。

二妃廟

唐楊傑

黃陵二妃廟，客過動愁顏。  
湘水有時盡，帝車何日還。  
泪班千畝竹，魂斷九疑山。  
欲問蒼梧事，白雲生棟間。

巴陵村行

唐姚揆

天淡雨初晴，游人恨不勝。  
亂山啼蜀鬼，孤棹宿巴陵。  
影射村橋柳，光寒水寺燈。  
能吟思故國，窗外有漁罾。

岳陽樓

江爲

岳州府志上 卷之二十七 五  
倚樓高望極、展轉念前途、晚葉紅殘楚、秋江碧入吳、  
雲中來鴈急、天末去帆孤、明月誰同我、悠悠上帝都、

送徐使君赴岳州

雍陶

渺渺楚江上、風旗搖去舟、鳥歸雲夢晚、猿叫洞庭秋、  
別思滿南浦、鄉心想沅州、寄言徐刺史、詩送岳陽樓、

岳陽晚景

雍陶

漢陽無近遠、見說過汾城、雲雨經春客、江山幾日程、  
經隨鷗鳥去、祇待海潮生、前路逢漁父、多愁問姓名、

湘中有懷

唐張謂

八月洞庭秋、瀟湘水北流、還家萬里夢、爲客五更愁、  
不用開書帙、偏宜上酒樓、故人京落舊、何日復同遊、

洞庭南館

唐張祐

一逕逗霜林、朱欄遶碧岑、地盤雲夢角、山鎮洞庭心、  
樹白看烟起、沙紅見日沉、還因此悲屈、惆悵又行吟、

過袁稷巴陵山居

唐劉長卿

憐君洞庭上、白髮向人垂、積雨悲幽獨、長江對別離、  
牛羊歸故道、鳥雀聚寒枝、明發遙相望、雲山不可知、

岳陽館中望洞庭湖

唐劉長卿

岳州府志上 卷之二十一 三  
萬古巴丘戍平湖此望長問人何森森愁暮更蒼蒼  
疊浪浮元氣中流沒太陽孤舟有歸客早晚達瀟湘

岳渚送友人宿青草湖

武元衡

洞庭猶在目青草宿爲名宿槩依農事郵籤報水程  
寒水爭倚薄雲月遠微明湖鴈雙雙起人來故北征

過洞庭

朱慶餘

帆掛狂風起茫茫大猛時波濤如未息舟楫亦堪疑  
遠鴈投孤島長天下四維前程有平處誰敢與心期

晚次巴陵招水

李端

雪後柳條新巴陵城下人烹魚招水客載酒奠山神  
雲去低班竹風來動白蘋不堪逢楚老日暮正江春

夜泊巴陵

朱超

月夜三江靜雲露四邊收淤泥不通挽寒浦劣客舟  
迴風折長草輕冰斷細流古村空列樹荒戍久無樓

夜泊湘江

于武陵

北風吹楚樹此地獨先秋何事屈原恨不隨湘水流  
涼天生半月竟夕伴孤舟一作南行客無成空白頭

其二



楚人歌竹枝、遊子泪沾衣、異國久爲客、寒宵頻夢歸、  
一封書未達、千樹葉皆飛、南渡洞庭水、更應消息稀、

送客南遊

唐馬戴

疑卜何山隱、高秋指岳陽、蕭乾雲夢色、橘熟洞庭香、  
疎雨殘虹影、回雲背鳥行、靈均如可問、一爲哭清湘、

夜入湘中

唐馬戴

洞庭人夜到、孤棹入湘中、露洗寒山遍、波搖楚月空、  
密林飛暗狖、廣澤發鳴鴻、行抵揚帆者、江分又不同、

湘州懷古

釋清江

瀟湘連汨羅、復對九疑河、浪勢屈原塚、竹聲漁父歌、  
地荒征騎少、天暖浴禽多、脉脉東流去、古今可奈何、

岳陽

張天啟

天如平湖遠、樓深納霽華、青山藏福地、碧樹記人家、  
水落魚龍蛰、風高鴈鷺斜、古來形勢地、何事憶長沙、

春晚岳陽樓言懷二首

唐崔魯

烟花零落過清明、異國光陰老客情、雲夢夕陽愁裏  
色、洞庭春浪坐來聲、天涯一與舊山別、江上幾看芳  
草生、獨倚闌干意難寫、暮笳嗚咽調孤城、

其二

翠烟如細柳如環時倚南樓獨看山江國草花三月  
暮帝城塵夢一年閑虛舟尚歎縈難解飛鳥空慙倦  
未還何似不羈詹父伴卧烟歌月老潺潺

岳陽晚望

唐崔珣

乾坤千里水雲間釣艇如萍去復還樓上北風斜捲  
席湖中西日倒銜山懷沙有恨騷人往鼓瑟無師帝  
子閑何事黃昏尚凝睇數行烟樹接荆蠻

題岳陽樓

唐白居易

岳陽樓下水漫漫獨上危樓凭曲欄春岸綠時連夏  
澤夕陽紅處近長安猿攀樹立啼何苦鴈點湖飛渡  
亦難此地唯堪畫圖障華堂張與貴人看

和友人憶洞庭舊居

唐劉滄

客舍經時益苦吟洞庭猶憶在前林青山殘月有歸  
夢碧落片雲生遠心溪路烟開江月出草堂門掩海  
濤深因君話舊起愁思隔水數聲何處砧

九日巴丘楊公臺上宴集

唐張泌

淒淒霜日上高臺水國寒深客思哀萬疊銀山寒浪

起一行秋色早鴻來、誰家搃練孤城暮、何處題衣遠  
信回、江漢路長身不定、菊花三笑旅懷開

重經巴丘追感開成初陪故員外從翁詩酒遊

泛作

唐李群玉

昔年高接李膺歡、日泛仙舟醉碧瀾、詩句亂隨青草  
發、酒腸俱逐洞庭寬、浮生聚散雲相似、往事微茫夢  
一般、今日片帆城下過、秋風回首淚闌干

秋晚自洞庭湖別業寄穆秀才

唐皮日休

破村寥落過重陽、獨自櫻寧葺草房、風捲紅蕉仍換  
葉、雨霖黃菊不成香、野猿偷栗重窺戶、落鴈疑人更  
繞塘、他日若修耆舊傳、爲予添取此書堂

青谿友人歸岳陽

唐劉長卿

洞庭何處鴈南飛、江菼蒼蒼客去稀、帆帶夕陽十里  
沒、天連秋水一人歸、黃花裊露開江岸、白鳥銜魚上  
釣磯、岐路相逢無可贈、老來空有淚沾衣

岳陽樓

唐劉長卿

行盡清溪日已蹉、雲容山影兩嵯峨、樓前歸客怨秋  
夢、江上美人疑夜歌、獨坐高高風勢急、平湖渺渺月

岳州府志上 卷之二十七 三十四  
明多終期一艇載樵去來往片帆愁白波

登岳陽

麻温其

湖邊景物屬秋天樓上風光似去年僂侶緜生留福地湘娥帝子寄哀絃雲門自統軒臺外木葉偏飛楚客前極目江山何處是一帆萬里信歸般

洞庭言懷

譚用之

江上陰雲鎖夢魂江邊深夜舞劉琨秋風萬里芙蓉國暮雨千家薜荔村鄉思不堪悲橘柚旅途誰肯念王孫漁人相見不相問長笛一聲歸島門

洞庭

許棠

空江浩汗景瀟然盡日菰蒲泊釣船青草浪高三月渡綠楊花撲一溪烟情多莫舉傷春日愁極緣無買酒錢猶有魚人數家住不成村落夕陽邊

詠零陵

宋歐陽修

畫圖曾識零陵郡今日方知畫不如城郭恰臨瀟水上山川猶是柳侯餘驛亭幽絕堪垂釣巖空虛明可讀書欲買冉溪三畝地手拈茅棟徑移居

岳陽樓

張翔字雄飛澧州守

樓上元龍氣不除湖中范蠡意何如西風萬里一黃  
鵠秋水半江雙白魚鼓瑟至今悲二女沉沙何處弔  
三閭朗吟仙子無人識騎鶴吹簫下碧虛

岳陽樓

何景明

楚水滇池萬里遊使車重喜過巴丘千家樹色浮山  
郭七月濤聲入郡樓寺裡池亭多舊主城中冠蓋半  
同遊明朝又下章華路江月湖煙結別愁

岳陽樓中聞笛

何景明

何處笛聲三四弄坐聽疑隔楚江濱落梅折柳怨清  
夜激羽流商哀白雲月上山樓人獨倚風高秋院客  
先聞洞庭空闊瀟湘冷縹緲餘音送鴈群

過洞庭

馮世雍

楚客驅車過洞庭天風颯颯吹湘靈斜陽欲盡亂山  
碧別浦遠望飛烟青南荒征旆倚明月東郭草堂虛  
翠屏浮查萬里泛牛斗劍光白日空秋冥

望君山

馮世雍

遠客倚棹且東歸登樓望山魂欲飛仙人高閣渺烟  
霧江浦洞簫吹夕暉樹色倒涵日月影波光下照星

辰衣拏舟直泛水雲窟遙峯冥浪情依依

送長沙張少叅之蜀便道還吳

徐中行

東征且莫戀葦蕪遇主長沙異賈生江月秋懸青翰  
舫使星春度錦官城天連劔閣題銘駐地入邛邛叱  
駁行試問蜀中諸父老文章誰竝長卿名

諒公洞庭孤橘歌

顧况

不種自生一株橘誰教渠向堦前出不羨江陵千葉  
奴下生白蟻子上生青雀雛飛花簷蔔旃檀香結實  
如綴摩尼珠洞庭橘樹籠煙碧洞庭波月連沙白待  
取天公放恩赦儂家定作湖中客

湘中對酒行

夜行不厭湖上月晝遊不厭湖上山眼前一罇又長  
蒲心中萬事如等閑主人有忝數百石濁醪數斗應  
不惜卽今相逢不盡歡別後相思復何益策策灣頭  
歸賂賒願公且宿黃公家風光若此人不醉參差孤  
負東園花

洞庭冬夜聞笛

李義壯

湖水茫茫冬月白三年夜半孤舟客一回見月一沾

巾湖上何人復吹笛、橫笛能令孤客悲、况復天空歲  
晏時、羽音剽疾商音切、湖波激灩湖雲遲、淒斷湘娥  
擘班竹、嚴霜瀝瀝飛寒玉、巴童折柳更吟嶠、無數飄  
花滿洞庭、魚龍寂寞鴻鴈香、惟餘一點君山青、明日  
別離向何許、渡口一聲淚如雨

渡青草湖

吳均

洞庭春溜滿、平湖錦帆張、源水桃花色、湘流杜若香、  
穴去茅山近、江連巫峽長、帶天澄迥碧、映日動浮光、  
行舟逗遠樹、度鳥息危檣、滔滔不可測、一葦詎能航

至鴨欄驛登白馬磯訪裴侍御

李白

側壘萬古石、橫爲白馬磯、磯亂流若電、轉舉棹揚珠輝、  
臨駟捲緹幕、升堂接綉衣、情親不避馬、爲我解霜威

同邵侍御江上早春

張說

江上春來早、可觀巧將春、物妍餘寒水、苔共繞留鳥、  
石花鳥爭開、鬪鴨欄、佩勝芳辰日、漸暖然燈美、夜月  
初團意、隨北鴈雲飛去、莫待南州蕙草殘

岳州九日宴道觀西閣

張九齡

搖落長年歎、蹉跎遠宦心、北風嘶代馬、南浦宿陽禽

岳州府志 卷之二十一  
三  
住此黃花酌醪餘白首吟涼雲覆楚望濛雨蔽荆岑  
登眺思晴景誰將卷濁陰釣歌出江霧樵唱入山林  
魚以名佳採爲材美侵大道由中悟逍遙匪外尋  
參佐多君子詞華妙賞音留題洞庭觀望占意何深

岳州宴姚紹之二首

張說

杞梓滯江濱光華白日新難兄金作友媚子玉爲人  
山水含秋興池亭借善隣簷風送靜院竹鳥來馴翠  
牽催黃菊瑤盤繪紫鱗緩歌將醉舞宜拂繡衣塵

其二

遠蒞長沙渚欣逢賈誼才江山疲應接風日復晴開  
江樹雲間斷湘山水上來近洲朝鷺集古戍猿哀岸  
芷含蒼萼汀蒲秀紫臺月餘偏地賞心盡故人盃自  
我違京洛嗟君此泝洄容華因別老交舊與年頽還  
見長沙陌朝宗貫盛哉

岳州觀兢渡

張說

畫作飛鳧艇雙雙兢拂流低裝山色變急棹水華浮  
土尚三閭俗江傳二女游齊歌迎孟姥獨舞送陽侯  
鼓發南湖漉標爭西驛樓址恒詫速非畏日光道



別澧湖

唐張說

念別澧湖去、浮舟更一臨、千峯出浪險、萬木抱煙深、  
南群延恩渥、東山戀宿心、露花香欲醉、時鳥轉餘音、  
涉趣皆留賞、無奇不遍尋、莫言山水間、幽意在鳴琴、

遊洞庭湖

唐張說

平湖曉望分、仙嶠氣氛氲、鼓枻乘清渚、尋峯弄白雲、  
江寒天一色、日靜水重紋、樹坐參猿嘯、沙行八鷺群、  
綠源斑篠密、望徑綠蘿紛、洞穴傳虛應、楓林覺自薰、  
雙童有靈藥、願取獻明君、

岳州作

唐張說

水國生秋草、離居早及瓜、山川臨洞穴、風日望長沙、  
土物南州異、關河北望賒、日昏聞怪鳥、地熱見修蛇、  
遠人夢歸路、瘦馬嘶去家、獨有江潭月、徘徊戀九華、

南還湘水言懷

拙宦今何有、勞歌念不成、十年乖夙志、一別悔前行、  
歸去田園老、儻來軒冕輕、江間稻正熟、林裏桂初榮、  
魚意思在藻、鹿心懷食苹、時哉苟不達、取樂遂吾情、

岳州西城

形勢  
以似

水國何遼曠風波遂極天西江三紀合南浦二湖連  
色堞臨清境煩憂暫豁然九圍觀掌內萬象閱眸前  
日去長沙渚山橫雲夢田汀葭變秋色聿樹入寒烟  
潛穴探靈詭浮生揖聖仙至人今不見跡滅事空傳

巴丘春作

日出洞庭水春山掛斷霞江涔湘映發卉木共紛華  
湘成南浮澗荆關北望賒湘陰窺魍魎丘勢辨巴邱  
島戶巢爲館漁人艇作家自憐心問景三歲客長沙

丘州夜坐

炎洲苦三伏永日卧孤城賴此閑庭夜蕭條夜月明  
獨歌還太息幽感見餘聲江近鶴時叫山深猿屢鳴  
自心觀有欲棄知返無名五十知天命吾其達此生

風疾舟中伏枕書懷呈湖南親友三十六韻

軒轅休製律虞舜罷彈琴尚錯雄鳴管倘傷半死心  
聖賢各古邈羈旅病年侵舟泊常依鎮湖平早見參  
如聞馬融笛若倚仲宣襟故國悲寒望羣雲慘歲陰  
水鄉霾白蜃楓岸疊青岑鬱鬱冬炎瘴濛濛雨滯淫  
鼓迎方祭鬼彈落似鴉禽興盡纔無悶愁來遽不禁

生涯相汨沒、時物正蕭森、疑惑尊中弩、淹留冠上簪、  
牽裾驚魏帝、投閣爲劉歆、狂走終奚適、微才謝所欽、  
吾安藜不糝、汝貴王爲琛、烏幾重重縛、鶉衣寸寸針、  
哀傷同庾信、述作異陳琳、十暑岷山葛、三霜楚戶砧、  
叨陪錦帳坐、久放白頭吟、反樸時難遇、忘機陵易沉、  
應過數粒食、得近四知金、春草對歸恨、源花費獨尋、  
轉蓬憂悄悄、行樂病潏潏、瘞天追藩岳、持危覓澄林、  
蹉跎翻學步、感激在知音、却假蘓張舌、高誇周宋鐔、  
納流迷浩汗、峻址得嶽崙、城府開清把、松筠起碧濤、  
披顏爭情倩、逸足競駸駸、朗鑒存愚直、皇天實照臨、  
公孫仍恃險、侯景未生擒、書信中原闊、干戈北斗深、  
畏人千里井、問谷九州箴、戰血流依舊、軍聲動至今、  
葛洪戶定解、許靖力難任、家事冊砂訣、無成涕作霖、

湖南送敬十使君適廣陵

相見各頭白、其如離別何、幾年一會面、今日復悲歌、  
少壯樂難得、歲寒心匪他、氣纏霜匣滿、冰置玉壺多、  
遭亂實漂泊、濟時曾琢磨、形容吾較老、膽力爾誰過、  
秋晚岳增翠、風高湖湧波、騫騰訪知己、淮海莫蹉跎、

寄岳州賈司馬六丈巴州嚴八使君兩閣老

衡岳啼猿裏、巴州鳥道邊、故人俱不利、謫宦兩悠然、  
闔闢乾坤正、榮恬雨露偏、長沙才子遠、釣瀨客星懸、  
憶昨趨行殿、殷憂捧御筵、討胡愁李廣、奉使侍張騫、  
無復雲臺伏、虛修水戰船、蒼茫城七十、流落劍三千、  
畫角次秦晉、旄頭俯澗瀍、小儒輕董卓、有識矢符堅、  
浪作禽填海、那將血射天、萬方思助順、一鼓氣無前、  
陰散陳倉北、晴薰太白巔、亂麻屍積衛、破竹勢臨燕、  
法駕還雙闕、王師下八川、此時沾奉引、佳氣拂周旋、

貔虎開金甲、麒麟受玉鞭、侍臣諳入伏、廐馬解登仙、  
花動朱樓雪、城凝碧樹煙、衣冠心慘愴、故老淚潺湲、  
哭廟悲風急、正壽景鮮、月分梁漢米、春給水衡錢、  
內  
蔬繁於纈、宮花軟勝綿、恩榮同拜手、出入最隨肩、  
晚  
著萃堂醉、寒重繡被眠、轡齊兼秉燭、書在滿懷牋、  
每  
覺升元輔、深期列大賢、秉均方咫尺、鍛翮再聯翩、  
禁  
掖朋從改、微斑性命全、青蒲甘受戮、白髮竟誰憐、  
弟  
子貧原憲、諸生老伏虔、師資謙未達、鄉黨敬何先、  
舊  
好腸堪斷、新愁眼欲穿、羣乾危棧竹、紅賦小湖蓮、賈

筆論孤憤嚴君賦幾篇定知深意苦莫使衆人傳月  
錦無停織朱絲有斷絃浦鷗方碎首霜鶻不空拳地  
僻昏炎瘴山稠隘石泉且將棊度日應用酒爲年典  
郡終微眇治中實弃捐安排求傲吏■興展歸田去  
去才難得蒼蒼理又玄古人稱逝矣吾道卜終焉隴  
外翻投跡漁陽復控弦笑爲妻子累甘與歲時遷親  
故行稀少兵戈動接聯他鄉饒夢寐失侶自迤邐多  
病加淹白長吟咀靜便如公盡雄俊志在必騰騫

過洞庭

李嶼

洗渺注橫流千潭合萬湫半洪侵楚翼一汐屬吳頭  
動軸當新霽漫空正仲秋勢翻荆口泊聲擁岳陽  
浮遠昧滋衡岳微涼散橘州星辰連影動嵐翠逐隅  
收漸落分行鴈旋添趨伴舟昇騰人莫測安穩路何  
憂氣與塵中別言堪象外搜此身如粗了來把一竿  
休

寄澧州張員外

柳宗元

弱歲游元圃先容幸棄瑕各勞長者記文許後生誇  
鷄翼嘗披隼蓬心類倚麻繼酬天祿署俱付甸侯家

憲府初收跡、丹墀其拜嘉、分行參瑞獸、傳點亂宮鴉、  
執簡寧循枉、持書每去邪、鸞凰標魏闕、熊武負崇牙、  
辨色宜相顧、傾心自不譁、金爐夕流月、紫殿啟晨霞、  
未竟遷喬樂、俄成失路嗟、還如渡遼水、更似謫長沙、  
別怨秦城暮、途窮越嶺斜、訟庭閑枳棘、侯吏逐麋麋、  
三載皇恩暢、千年聖曆遐、朝宗延架海、帥役罷梁涯、  
京邑搜真幹、南宮步渥洼、世推林是梓、人仰驥中驂、  
歛刺苗人地、仍逾顛石厓、禮容乘理琫、戍備響鉦鈸、  
寵卽卽官舊、威從太守加、建旗翻鷲鳥、負弩繞文蛇、

册府縈八帝、中闈盛六珈、肯隨胡質矯、方畱馬融奢、  
褒德符新換、懷仁道迭遮、俗嫌龍節晚、朝訝介圭賒、  
禹貢輸苞匭、周官賦秉秣、雄風吞七澤、異產控三巴、  
卽事觀擾程、懸市禁賒、不應虞竭澤、寧復歎棲且、  
蹶騶先駕籠、銅鼓報衙、染毫東國素、濡印錦溪砂、  
積舟難泊人、歸山倍畚吳、歛工折柳楚、舞舊傳芭、  
幾松爲曲、傾樽石作汗、寒初榮橘柚、夏首薦枇杷、  
祀變荆巫禱、風移魯婦髻、已聞施愷悌、還覩正奇表、  
慕友慚連璧、言姻喜附葭、沉埋全死地、流落半生涯、入

羸腰恒折逢人手盡義敢辭親恥汗唯恐長疵痕善  
幼迷水火齊諧笑相塗東門牛屢飯中散蝨空爬逸  
戲看猿鬪殊音辨馬搥渚行孤作孽林宿鳥爲嗟同  
病憂能老新聲麗似嬌豈知千仞墜紙爲一毫差守  
道甘長絕明心欲自剷貯愁聽夜雨隔淚數殘葩梟  
族音常聒豺群啄競呀岸蘆翻毒蜃磳竹闖狂魔野  
鷺行看弋江魚或共投瘴氛恒積潤訛火亟生燬耳  
靜煩喧蟻魂驚怯怒蛙風枝散陳葉霜蔓纏寒瓜霧  
密前山桂水枯曲沼葭思鄉比壯鷺遯世遇時夸漁

舍茨荒草村橋卧古槎御寒衾用剡挹水勺仍柳窻  
蠹惟潛蝎薨延競綴蠟引泉開故竇護藥插新筓樹  
怪花因榭蟲憐目待蝦驟歌喉易嘎饒醉鼻成喎曳  
捶牽羸馬垂簑牧艾猴已看能類鼈猶訝雉爲卉來  
中原菽徒中下澤車俚兒供苦筍僮父饋酸橙勸策  
扶危杖邀持當酒茶道流微短褐禪客會袈裟香飯  
春菰米珍蔬折五茄方期飲甘露更欲吸流霞屋鼠  
從穿穴林徂任攫拿春衫裁白紵朝帽掛烏紗屢歎  
恢恢網頻搖肅肅且襄榮困莫莢盈缺幾蝦蟇路識

岳州府志上 卷之二十一  
溝邊柳城聞隴上笳共思佩處十騎擁青騮

岳州

杜牧

城高倚絕巘地勝足樓臺朔漠煖鴻去瀟湘春水來  
縈盈幾多思掩抑若爲裁返照三聲角寒香一樹梅  
鳥林芳草遠赤壁健帆開往事空遺恨東流豈不迴  
分符潁川政吊屈岳陽才拂匣調朱柱磨鉛湛玉杯  
綦纓小宿勢壚撥凍醪醅此興予非薄何時日奉陪  
題裴武式微于東齊  
杜牧

世事終成夢生涯半欲過白雲心已矣滄海意如何

藜杖含吾道榴花養太和春風騎馬醉江月釣魚歌  
散帙看蟲蠹開門見雀羅遠山終日在芳草傍人多  
吏體莊生傲方言楚俗訛屈平君莫弟腸斷洞庭波

湘靈鼓瑟

錢起

善鼓雲和瑟常聞帝子靈馮夷空自舞楚客不堪聽  
若調慎金石清音入杳冥蒼梧來怨慕白芷動芳馨  
流水傳湘浦悲風過洞庭曲終人不見江上數峯青

湘靈鼓瑟

陳季

帝子鳴金瑟餘音自抑揚悲風絲上斷流水曲中長



出設遊魚聽、逶迤彩鳳翔、微音時叩徵、雅韻乍含商、  
神理誠難測、幽情不可忘、至今聞古調、遺恨滯三湘、

寄岳陽滕子京

宗 歐陽修

峭巘孤城倚、平湖遠浪來、萬尋迷島嶼、百仞起樓臺、  
太守凭闌處、群賢奉笏陪、清霜薦冊檮、積雨過黃梅、  
逸思歌湘曲、迺文繼楚才、魚貪河岫樂、雲望帝鄉迴、  
遙信雙鴻下、新緘尺素裁、因聞誇野境、自笑擁邊埃、  
龍漢方多孽、旄頭反示災、旌旗時映日、鼙鼓或驚雷、  
有志皆嘗膽、何人可鑿坏、儒生半投筆、牧豎亦輸、

沮澤辭猶漫、蒲葑館未開、支離莫攘臂、天子正求才、

洞庭野望

宗 陳與義

洞庭微雨後、涼氣入綸巾、水底歸雲亂、蘆叢返照新、  
遙汀橫薄暮、獨鳥渡長津、兵甲無歸日、江湖送老身、  
悠悠只倚杖、悄悄自傷神、天意蒼茫裏、村醪亦醉人、

岳州守歲二首

唐 張說

夜風吹醉舞、庭戶對酣歌、愁逐前年少、歡迎今歲多、

其二

桃枝堪辟惡、爆竹好驚眠、歌舞留今夕、猶言惜舊年、

元朝

元日今歲樂不謝往來春知向來心道誰為昨夜人

再上湘江

元 柳宗元

好在湘江水今朝又上來不知從此去更遣幾年迴

汨羅江

元 戴叔倫

沅湘流不盡屈子怨何深日暮西風起蕭條楓樹林

夜泊九江

元 崔道融

夜泊江門外歡聲月下樓明朝歸去路猶隔洞庭秋

湘妃怨

元 劉長卿

帝子不可見秋風來莫思嬋娟江上月千載空蛾眉

湘中早春

元 杜審言

遲日園林悲昔遊今春花鳥作邊愁獨憐京國人南  
窠不似湘江水北流

泛洞庭

元 張說

平湖一望上連天秋景千尋下洞泉忽驚水上江革  
滿疑是乘舟到日邊

西亭春望

元 賈至

日長風暖柳青青北鴈歸飛入窅冥岳陽城上聞吹

岳州府志上 卷之二十七

岳州府志上 卷之二十七  
吳  
笛能使春心滿洞庭

與李白同泛洞庭

元 賈 至

楓岸紛紛葉落多、洞庭秋水晚來波、乘興扁舟無近、遠、白雲明月弔湘娥、

岳陽樓宴別王八員外貶長沙

元

賈 至

柳絮飛時別洛陽、梅花發後在三湘、世情已逐浮雲、散、離恨空隨江水長、

巴陵贈賈舍人

元

李 白

賈生西望憶京華、湘浦南遷莫怨嗟、聖王恩深漢文

帝憐君不遺到長沙

○ 洞庭湖

元

李 白

洞庭西望楚江分、水盡南天不見雲、日落長沙秋色、遠、不知何處弔湘君、

其二

帝子瀟湘去不還、空餘秋草洞庭間、淡掃明湖開玉、鏡、丹青畫出是君山、

湘中送友人

元

顧 况

青草湖邊日色低、黃茅嶂裏鷓鴣啼、丈夫飄泊今如

此一曲長歌楚水西

汨羅

元 柳宗元

南來不作楚臣悲，重入繁門自有期。  
為報春風汨羅道，莫將波浪枉明時。

君山

元 劉禹錫

湖光秋色兩相和，潭面無風鏡乍磨。  
遙望洞庭山擁翠，白銀盤裏一青螺。

湘中絃

元 崔塗

烟愁雨細雲冥冥，杜鵑香老三湘清。  
故山望斷不知處，鴨鵝隔花啼一聲。

處鴨鵝隔花啼一聲

君山

元 程賀

曾遊方外見麻姑，說到君山自古無。  
云是崑崙山頂石，海風飄落洞庭湖。

送獨孤使君赴岳州

元 釋皎然

海上仙山屬使君，石橋琪樹此來聞。  
他時畫出白團扇，乞取天台一片雲。

湘忠怨

元 温庭筠

冰簟銀床夢不成，碧天如水夜雲輕。  
鴈聲遠過瀟湘

去十二樓中月自明

軒轅臺

唐胡曾

五月扁舟過洞庭，魚龍吹浪水雲腥。  
軒轅皇帝今何在，回首巴山盧葉青。

君山

唐呂岳

午夜君山翫月迴，西鄰水圃碧蓮開。  
天香風露蒼朕冷，雲在青霄鶴未來。

過洞庭

唐溫如

西風吹老洞庭波，一夜湘君白髮多。  
醉後不知天在

水滿般清夢壓星河

湘妃廟

無名氏

碧杜紅蘅縹渺香，水絲彈月弄新涼。  
峯巒向曉凝青黛，九處堪疑九斷腸。

夜泊湘江

唐郎士元

湘山水落洞庭波，湘水連雲秋鴈多。  
寂寞舟中人借問，月明只自聽漁歌。

洞庭山維諒上人院塔前孤生橘樹

唐釋皎然

洞庭仙山但生橘，不比凡木與梨栗。  
真子無松自不

栽感得一株、塔下出、細葉繁枝、委露新、四時常綠不  
關春、若言此物無道性、何意孤生來就人、二月三月  
山初暖、最愛低簷數枝短、白花不用鳥銜來、自有風  
吹手中滿、九月十月爭破顏、金實離離顏色殷、一夜  
天情香滿山、天生珍木異於俗、俗士來逢不敢觸、清  
陰獨步禪起時、徙倚枝前看不足、

自湘水南行

張九齡

落日催行舫、逶遲洲渚間、誰云有物役、乘此更休閒  
暝色生前浦、清輝發近山、中流澹容與、唯愛鳥飛還

使還湘江水上

張九齡

歸舟宛何處、正直楚江平、夕逗煙村宿、朝綠浦樹行  
于役已彌歲、言旋今愜情、鄉郊尚千里、流日夏雲生  
初入湘江有喜

張九齡

征鞍窮却路、歸棹入湘流、望鳥唯貪疾、聞猿亦罷愁  
兩邊楓作岸、數處橘爲洲、却計從來意、翻疑夢裏遊

洞庭寄閻九

孟浩然

洞庭秋正闊、余欲泛歸般、莫辨荆吳地、惟餘水共天  
渺瀰江樹色、合沓海潮連、遲爾爲舟楫、相將濟巨川

形勢

望洞庭湖上張丞相

孟浩然

八月湖水平，涵虛混太清。氣蒸雲夢澤，波撼岳陽城。欲濟無舟楫，端居耻聖明。坐觀垂釣者，徒有羨魚情。

岳州別王十一趙公入朝

張說

昔濫貂蟬長，同承雨露霏。今參魚鱉守，望美洞庭歸。浦樹縣秋影，江雲燒落輝。離魂似征旆，恒往帝鄉飛。

湘妃祠

杜甫

蕭蕭相妃廟，空檣碧水春。蠱書玉佩，蘚燕舞翠惟塵。晚泊登汀樹，微香借渚蘋。蒼梧恨不極，染淚在叢筠。

祠南夕望

杜甫

百丈牽江色，孤舟泛日斜。興來猶杖屨，日斷更雲沙。山鬼迷春竹，湘娥倚暮花。湖南清絕地，萬古一長嗟。

禹廟

杜甫

禹廟空山裏，秋風落日斜。荒庭出橘柚，古屋畫龍蛇。雲氣虛清壁，江聲走白沙。早知乘四載，疏鑿控三巴。

岳陽樓

李白

樓觀岳陽盡，川迴洞庭開。鴈引愁心去，山啣好月來。雲間速下榻，天上接行杯。醉後涼風起，吹人舞袖迴。

洞庭醉後送絳州呂使君果流澧州 李白

昔別若夢中，天涯忽相逢。洞庭破秋月，縱酒開愁容。贈劍刻玉字，遙平兩政龍。送君不盡意，書及鴈迴峰。

晚泊江口

韓愈

罷城朝鮮纜，江岸暮依村。二女竹上淚，孤臣水底冤。雙雙歸蜚燕，一一叫羣猿。迴首那聞語，空看別袖翻。

寄崔澧州

張謂

共樸臺郎被俱塞，絕守惟罰金。殊往日鳴玉，幸同侍五馬來。何晚雙魚贈，已遲江頭望。鄉月無夜不相思。

江上旅泊

張祐

楚塞南行久，秦城北望遙。少年花已過，衰病柳先彫。客淚收迴日，鄉心寄落潮。殷勤問春鴈，何處是煙霄。重陽日鄂城樓送屈突司直 劉長卿

登高復送遠，惆悵洞庭秋。風景同前古，雲山滿上游。蒼蒼來暮雨，森森逐寒流。今日關中事，蕭何其爾憂。

湘妃廟

劉長卿

荒祠古木暗，寂寂此江濱。未作湘南雨，知爲何處雲。苔痕斷珠履，草色帶羅裙。莫唱迎仙曲，空山不可聞。



洞庭

許棠

驚波常不定，半日鬢堪班。  
四顧疑無地，中流忽有山。  
鳥高常畏墜，帆遠却如閑。  
漁父前相引，詩歌浩渺間。

弟屈原

崔塗

讒勝禍難防，沈寃信可復。  
本圖安楚國，不是怨懷王。  
廟古碑無字，川晴蕙有香。  
獨醒人尚笑，誰與奠椒漿。

夏末留別洞庭知己

朱慶餘

春秋時節近，分被獨淒然。  
此地折高柳，何門聽暮蟬。  
浪搖湖外日，山背楚南天。  
空感迢迢事，榮歸在半年。

楚江懷古二首

馬戴

露氣寒光集，微陽下楚丘。  
猿啼洞庭樹，人在木蘭舟。  
廣澤生明月，蒼葭夾亂流。  
雲中君不降，竟夕自悲秋。

其二

驚鳥去無際，寒蛩鳴我傍。  
蘆洲生早霧，蘭隰下微霜。  
列宿分窮野，空流注大荒。  
看山候明月，聊自整雲裝。

其三

野風吹蕙帶，驟雨滴蘭橈。  
屈宋冤冥冥，江山思寂寥。  
陰霓侵晚景，海樹入迴潮。  
欲折寒芳薦，明神詎可招。

岳陽樓

楊基

春色醉巴陵，闌干落洞庭。水吞三楚白，山接九疑青。  
空闊魚龍舞，娉婷帝子靈。何人夜吹笛，風急雨冥冥。

晚泊湘源

元張泌

烟郭遙聞向晚鷄，水平舟靜浪聲齊。高林帶雨楊楊  
熟，曲岸籠雲謝豹啼。二女廟荒宮樹老，九疑山碧楚  
天低。湘南自古多離怨，莫動哀吟易慘悽。

黃陵廟一首

元李羣玉

水孤洲北浦雲邊，二女啼粧共儼然。野廟向江春寂

寂，古碑無字草芊芊。東風日暮吹香芷，落日山深哭  
杜鵑。猶以含顰望，巡符九嶷如黛隔清川。

送張員外赴岳陽

元錢起

鳳凰銜詔與何人，善政由來寵寇恂。臺下春風爭送  
遠，岳陽雲樹侍行春。自憐黃閣知音在，不厭彤襜出  
守頻。應笑馮唐衰且拙，世情兩見白頭新。

洞庭春興

元楊慎

帝里朝辭供奉班，客程宵濟洞庭灣。湘君鼓瑟清冷  
外，鮫女鳴機縹緲間。青草波光連夢澤，蒼梧雲物隔

嶷山故園亦有岷江水垂老生涯釣艇間

送巴陵令君入覲

楊一位

鶴沙仙子度瀟湘携得笙歌韻繞梁  
巴月調高遺宓奏吳帆風遠送荀香  
深秋別意江楓黯累世交情洞水長  
聖代鸞坡方側席雄文早晚賦明光

望君山

吳希舞

湖心一片土巋然在望間不知何處裡見說是君山

送大夏歸東山草堂歌

東山有草堂縹緲雲嶠孤前對祝融峯下瞰巴陵湖

明公昔時此堂居麋鹿熊豕當窗趨洞庭日落風濤湧  
倒影射堂堂欲動慘淡誰聞紫芝曲獨善不救蒼生哭  
先帝親栽五色詔老臣曾受三朝祿此時四郊多戰聲  
曳履謁帝登承明謝安笑却淮淝敵帝臯坐測氏羗兵  
九重移榻數召見夾城日高未下殿英謀密語人不知  
左右微聞至尊羨自從龍去不可攀公亦卧病思東山  
湘娥含笑倚竹丘山鬼窈窕堂之側上書告老只欲歸  
聖旨優容意悽惻內府盤饈縷金織賜出傾朝皆動色  
白金之錠紅粟記寶鈔生硬鴉

翎黑崇文城門水雲白是日觀者塗路塞城中冠蓋  
盡追送塵埃不見長安陌人生富貴豈有極男兒要  
在能死國不爾抽身早亦得君不見漢二疏千載想  
慕傳畫圖卽如草堂何處無祿食覩竊胡爲乎乃知  
我公真丈夫嗚呼乃知我公真丈夫

雲溪古松歌

何景明

岳州地多古松樹千株萬株植官路故老猶能記歲  
年行人不解知朝暮臨江西來煙霧起夾谷連山一  
百里黛色寒通七澤雲秋聲夜捲三江水郡城之北

江水東鄂王祠廟丹青空英雄爲謨本宏遠古木  
今多烈風忠魂義魄知何在故物依然見遺愛繁枝  
百世人不剪直氣千尋我當拜六年前過蒲圻城古  
松陰中三日行空山倒樹雷雨黑盛夏常貯炎風清  
郵亭傳舍駟蕭瑟鬱抱煩襟亦飄逸迴巖峭壁奔洪  
濤老蔓長藤翻白日只今復向巴丘道野草漸多松  
漸少及徑孤根半蝕苔夕陽幾樹空垂蔦昔時所見  
合抱村斷枝落葉隨蒿萊過客山中想青籟行徒道  
愁黃埃輦山輿嶺萬千重半作豪家樓上棟古人之

力今人勞大厦明堂不得用年年官吏摧斧斤故老  
雖怒那敢嗔傍枝出地子成樹野婦山蕪摧作薪驛  
前數幹耶可數我復見之再三撫霜皮露甲如虬螭  
霧鬣烟鬟學龍舞陰森氣象凜猶昔翠色長標不可  
侮荒林曠野識者稀終爲誰家起廊廡回首鄂廟秋  
山阿廟前之樹無高柯鬼神呵護亦徒爾英靈不返  
將如何逢人且忽怨搖落志士胡爲傷輶軻君看世  
事盡如此拔劍聽我松前歌

偕王天祥登瓊雲山

楊 輶

瓊山高至極佳樹鬱相臨虎跡層岩上龍吟古徑陰  
琳宮溪溜繞楓陛石苔侵結構何迢遞窺探最廣深  
庭叅新舞鶴鐘送暝來禽水圃風宜細芝田雨忌淫  
優游仙境日瀟散古人心采藥冲芳徑吹笙過茂林  
兩君俱俊彥竝馬陟嶽峯童子陪幽賞空齋按誨音  
隨行溪百折廻眺巘千尋暑少慵揮扇餘促解襟興  
深思返駕意 遠欲鳴琴安得遺軒冕從茲方一岑

九度仙樓

誰斷巨鰲足連山分一股誰跨海上鵬壓作參差羽

應是女媧輩化工揮巧斧掀翻煑石雲大塊將天補  
渣滓至今存懸瓊分注乳磊落擲遐荒齟齬不合土  
忙驚日月過晃漾空中舞哀益問巨靈簞舒碍臂武  
塞鑿剖逆流弩力迹駢拇神禹四載仆九年梗作兩  
紆回殺均區澎湃亂飛鼓漫下祖龍鞭六丁護丹府  
漫發熊繹矢非石又非虎數俠不能制伊誰可再侮  
曾把蓬來輸難將此物賭羅浮亦可移此物不可取  
肋斗出盤山粗能踞地主芝田第九層最上蕙生圃  
白雲山楓林群鶴

豈鶴勒那尊爲五百鶴主豈緱氏九月能吹笙聽舞  
豈遼東之幻呼令威集柱豈會稽之靈化雷門入鼓  
乃青城山上亦赤壁江滸聲可通夜半養魚石不腐

武溪深行

馬援

滔滔武溪一何深鳥飛不渡獸不敢躡吁嗟武溪多  
毒淫

又

張九齡

武溪深不測水安舟復輕暫借莊生釣還阻鄂君行  
權呼爭後發謀鼓助前征秦地山川險黔中水石清

岳州府志上 卷之二十一  
林蠻秋瀨急猿奠夜霜鳴澄源本千仞迴壑峯

燕子岩

洗石空江碧青山誨遠遊一岩江似室六月冷如秋  
蘚壁鐫詩古松風響澗幽晚來羅氣重明月島雲浮

天門峯

孫穀

歌聲飄出口脂香但見花翻蝶欲狂聽到呻吟回齒  
頰低低鳳子喙新皇  
詩人未老諳艷叢何必東坡賦六蟲鉛汞朱顏攜色  
肉歌兒名雪又名紅

天門靈泉院

周朴

華亭叅後晁幽佗一句能教萬古傳猿抱子歸青嶂  
後鳥啣花落碧岩前雖知物理無窮際却恐滄溟有  
盡年爲報五湖雲外客何妨來此老林泉

南樓

周朴

徙倚高樓夜色殘故人聊得罄交懽千林日落晴偏  
雨五月雲深暑亦寒詰曲斷岩飛鳥渡參差倒影過  
江看慚予浪着登山履酒罷豪吟興未闌

仙呂洞

周叙尚書

崖傍溪城東復東層雲絕壁探虛空乾坤老矣新秋  
月草木悠然暮雨風坐石烟花空有跡入爐丹藥竟  
何功分明一枕遊仙夢移向山溪指顧中

出谷亭

周叙

仙凡咫尺鎖樓臺偶放孤亭出谷來松頂鶴歸常帶  
靄窟中龍吼恍聞雷石凝鍾乳當筵墜露滴瑤花掛  
壁開坐愛湖天如鏡裏清風時至掃蒼苔

三涪泉

李有朋

聞說洞庭通振澤豈知索口貫錢塘一泉三竇湖盈  
縮百里九谿流短長山寺沼深秋月冷石田膏潤晚  
風香此中應有蛇龍窟滿壑雲生出夜光

九日登臨湘合盤寺

柳尙義

天開新景近重陽有客登高驄馬行謫跡久輪陶令  
隱病懷無復孟嘉狂石林雨歇雲藏竇野寺鍾鳴客  
到堂知是山靈應有待桂花重九尙餘香

君山夜望

楊一鵬

湘山奇絕處夜色靜娟娟老蚌含明月青螺吐暮烟  
難分星與火莫辨水連天欸乃歌何樂遙知是刺船



送楊大友之成都

雷思霈

汝到成都府知生錦水春楊雄原楚姓蜀帝本荆人  
驛路梅花早官衙栢葉親文翁兼好武拔劍擊江神

君山燒杏

龍之池

連山杏子衍兒孫石口空心鼻祖尊火劫秦皇魯慣  
事至今文字與同存

明湖篇贈羅野庭撫滇

楊慎

玉鏡明湖春水綠君乘星輶向滇蜀接憶清風豁瘴  
煙搖筆高吟振空谷碧鷄金馬我嘗遊逸韻遙岑海

上樓披雲不得隨雙屐此日相逢誌九丘珠玉照人  
慚我老邂逅開樽卽傾倒岫嶺遙瞻翠靄巔峨嶸近  
指青霞杪紫河車金光草便報相携訪蓬萊島百年  
良會苦蹉跎江上題襟別思多石扇洞門恒不鎖期  
君乘輿一來過

過洞庭賦得湖南清絕地

譚元春

岸青點點浮沮洳直看天日菰蒲去隨波流山山不  
知鷗與前帆落何處輕舟二月桃源間有此奇奔無  
此閒雲中湘我不斷覓疎雨如秋涼萬山山水照耀

晨復昏南方自有湖岳寡人來其間亦如此孤懷落  
落千餘里

巴陵卽事

王啟茂

樓頭日夜聽潺湲邑在煙波翠壑間堪入畫圖湖上  
市不開塵世水中山江畱禹蹟沙沉檝地接湘祠竹  
染斑試過城南問松鶴仙人何處御風還

團山

韓士英

磯頭常見一山團今日何期此憇鞍暮雨下林聲更  
急江風入夏夢猶寒蓮池回首空悲梗茅屋容身自

正冠憲節曉來何處在五雲西北望長安

道人磯山

韓士英

江岸頻頻問憲臺人言堪信亦難裁逢迎投好今成  
俗去住關心半欲灰水鶴幾行衝雨過風帆無數上  
磯來感時擊日煙村外牧養無功愧不才

雲溪驛

毛伯溫

匹馬雲溪道郵亭行復行野橋春水急茅店午煙清  
暖日纔舒柳輕風數轉鶯古來淳樸地健婦把犁耕

次岳楊樓石墨梅韻

舊作

丁昌齡

羅浮誰寄一枝芽  
破石嵌肌近水涯  
華榦交同蒼玉  
見色香齊澹紫苔  
加珠苞不實年年  
在瓊樹非風故  
故斜膚墨豈經羸  
赭後餘英綻作赤  
城霞

新秋岳陽樓懷古

楊柱朝

是地有樓觀何處無  
山水位置匪天然  
登臨乏神理  
陋彼丘壑情對之  
盆景耳茲樓饒大  
觀奇快難此擬  
奇不在亭臺快不  
在流峙一拳障狂  
瀾百川不敢瀕  
不然水與天茫茫  
何所倚譬彼大力  
人特立不披塵  
以茲今古懷况值  
秋光始

其二

天水互爲根靈氣  
歸一樸何人鑿混  
沌元始受雕琢  
煙雲任吐吞日月  
共浣濯卽此一卷  
多氣以蓋五嶽  
落落曠士衷衆山  
不能學庶幾筆墨  
功可以資商榷

其三

巖谷讓其曠海嶽  
遜其幽黃鶴且逸  
巡何有於仰樓  
山水天地光其妙  
全於秋悠悠千古  
心對此難沉浮

其四

過此非未遊遊此  
非不詩胸中與腕  
中不能發其微

岳州府志上 卷之二十七 六十七  
要使心眼間先具高深資慧崇山川力精神天所司  
胡爲小范後閣筆至今茲

洞庭蜃樓歌

楊柱朝

月令雉入大水爲蜃蜃卽大蚌也墨子云楚之明月  
生於蚌蜃其胎謂之珠胎淮南子云珠胎與月盈虧  
月死而螺蚌集又云蚌聞雷聲則厥音畫兵書云東  
海出氣如鼈渭水出氣如蜃蜃形似蛇而大升菴云  
今寺門金剛風調雨潤手執劍者風也彈琵琶者調  
也執傘者雨也手如蛇者蜃也蜃潤同音風吐記云

洞庭湖中有巨蚌深夜展一殼如帆吞吐明珠與月  
爭色洞庭之蜃樓宜矣今登州海市每歲於四月出  
見刻期不爽比者湖心時見蜃樓歲以爲常余適在  
郡城見之出沒高下變幻殊狀自申至酉移時乃散  
郡人驚爲怪事余思湖海一氣况湖中巨蚌自古誌  
之理氣所召無足怪者爰作歌以紀其事時康熙甲  
子四月二十五日也我聞東海出氣如鼈吐渭水出  
氣如蜃布湖海由來一氣同川嶽精神不自固洞庭  
八伯浩淼中一片奇光相與遇青螺十二掩其鋒幻

作闡都與煙樹中有浮屠勢凌空大山水山疊無數  
碧紺蒼青無端倪觀者如堵色驚怖逞歲所所見更  
絕奇冠蓋車馬咸趨赴湖心巨蚌明月珠風土所記  
似非誤蚌之大者厥維蜃山川自昔爲呵護天人理  
氣本無殊庸愚那得知其故從此湖光奪海光東牟  
未許稱獨步

登岳陽樓

周志德

峻儀天半仰朱霞桃李競開狄苑花辭闕一麾王屋  
杳登樓千盞洞庭賒春風無意頻噓坐襪線何能許

拜嘉偶爾招遊佳話永詩思浩汗滿平沙

石門常明府爲致棗陽潭石鯽鱸

李群玉

錦鱗脚餌出清漣暖日江亭動鱸筵疊雪亂消飛筍  
底散絲繁洒拂刀前太湖浪說朱衣鮓漢浦休誇縮  
項鱸雋味品流知第一更勞霜橘助芳鮮

飲岳陽樓舊址賦贈太守蘇之升

楊兆傑

岳陽樓已委荒芊太守風流玉局傳乍掃荆榛鑼鼓

吹定招雲鶴下神仙千鐘酒注三江水一葉舟浮萬里天多少湖光書不盡君山倒影入前川

登岳陽樓

汪 歲

危欄高棟俯江賒攬勝難逢貫月槎天際遙連湖水潤山形時帶彩雲霞吟看漁子歌中樂坐對寒流石上沙四顧煙嵐直浩渺征帆落日影橫斜

岳樓晴景

徐子有

四顧清光映畫樓無邊氣象望江收水連銀漢水壺潤浪滾丹霞錦繡浮天外依稀啣遠岫雲中參錯

孤舟奇觀不盡難圖繪楚國雄風踞上游

髭伯李夫子命飲岳陽樓

何允疇

挿漢層樓接錦霞高文彩筆自生花四窻可納千山入一面能消九水賒景藉良籌恢勝覽情深仰止頌臧嘉醉畱心曠神怡地蘭芷依依岸浦沙

岳陽樓新成登賦

李 璨

考績惟政攷夫豈課亭臺不謂臺榭窳而云政治隳抑政有餘力百廢迺重恢苟非知勇兼將無叢脞厖所以希文記先揄子京才烈皇已卯歲斯樓熒惑災

當其未災日樓欲出於胎隔江人眺望雲表庭楹堆  
相顧驚且笑疊閣類九垓爰有方瞳叟蹠蹠江之隈  
自云予欲渡悲憫形顏願舟子索攸餉拾石置艙哀  
渡畢倏不見石廼黃金瑰從茲干戈集岳土幾成灰  
樓雖更肇造完毀如陶壤龍飛歲辛酉仁守自天來  
哀鴻究安宅南山歌有臺頓使瘡痍起閭里陽春回  
自倒篋筭盡市場鳩吳蜀材不費民粒粟不庸商賈財  
密意襄趙侯結構運風雷熊熊樓勝昔傑閣敞崔嵬  
鼎湖天下澳君山軒皇杯騷客咏歌發童叟登遊

遂永昇平頌穹窿天宇開以斯仞勛德光氣照三臺

五山先生志上

卷之二十一

十一





